

Bosna i Hercegovina
Federacija Bosne i Hercegovine
KANTON SARAJEVO
Vlada



Босна и Херцеговина
Федерација Босне и Херцеговине
КАНТОН САРАЈЕВО
Влада

Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-05-36479-2/19
Sarajevo, 10.10.2019. godine

Na osnovu člana 26. i 28. stav (4) Zakona o Vladi Kantona Sarajevo (“Službene novine Kantona Sarajevo”, broj: 36/14 – Novi prečišćeni tekst i 37/14 – Ispravka), Vlada Kantona Sarajevo na **41.** sjednici održanoj **10.10.2019.** godine, donijela je sljedeći

Z A K L J U Č A K

1. Utvrđuje se Nacrt zakona o izmjenama i dopunama Zakona o koncesijama.
2. Predlaže se Skupštini Kantona Sarajevo da, u skladu sa Poslovnikom Skupštine Kantona Sarajevo, pretrese i utvrdi Nacrt zakona o izmjenama i dopunama Zakona o koncesijama i uputi na javnu raspravu kantonalnim organima, jedinicama lokalne samouprave, naučnim i stručnim ustanovama u trajanju od 60 dana.

P R E M I J E R

Edin Forto

Dostaviti:

1. Predsjedavajući Skupštine Kantona Sarajevo
2. Zamjenica predsjedavajućeg Skupštine Kantona Sarajevo, gđa. Danijela Kristić
3. Skupština Kantona Sarajevo
4. Premijer Kantona Sarajevo
5. Ministarstvo privrede Kantona Sarajevo
6. Evidencija
7. Arhiva



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1





Bosna i Hercegovina
Federacija Bosne i Hercegovine
KANTON SARAJEVO
V L A D A

ZAKON
O IZMJENAMA I DOPUNAMA
ZAKONA O KONCESIJAMA

(Nacrt)

Nosilac izrade:
Ministarstvo privrede

Sarajevo, april, 2019. godine

Na osnovu člana 13. stav (1) tačka i) i člana 18. stav (1) tačka b) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17), Skupština Kantona Sarajevo, na ____ sjednici održanoj dana ____ 2019. godine, utvrdila je

N a c r t

ZAKON O IZMJENAMA I DOPUNAMA ZAKONA O KONCESIJAMA

Član 1.

(Izmjena člana 2.)

U Zakonu o koncesijama ("Službene novine Kantona Sarajevo", br. 27/11 i 15/13) u članu 2. brišu se riječi: "ili fizičkom".

Član 2.

(Izmjena i dopuna člana 3.)

U članu 3. brišu se riječi: "ili fizičkim", a iza riječi: "Zakonom" dodaju se zarez i riječi: "radi ekonomskog razvoja Kantona".

Član 3.

(Izmjene člana 5.)

U članu 5. u tački c) brišu se riječi: "ili fizičko domaće", a u tački h) brišu se riječi: "ili fizičko".

Član 4.

(Izmjene i dopune člana 6.)

(1) U članu 6. stav (1) mijenja se i glasi:

"(1) Predmeti koncesije prema odredbama ovog zakona su:

- 1) izgradnja i/ili korištenje saobraćajnica u nadležnosti Kantona;
- 2) izgradnja i/ili korištenje hidroenergetskih objekata instalisane snage do 5 MW;
- 3) korištenje zemljišta za izgradnju i/ili korištenje postrojenja za pretvaranje pogonske snage vjetra u električnu energiju instalisane snage ispod 5 MW po instalisanoj jedinici;
- 4) korištenje zemljišta ili građevinskog objekta za izgradnju i/ili korištenje postrojenja za pretvaranje energije sunca u električnu energiju instalisane snage ispod 5 MW;
- 5) izgradnja i/ili korištenje termoelektrana sa toplotnim izlazom ispod 50 MWt;
- 6) izgradnja i/ili korištenje ostalih elektrana instalisane snage ispod 5 MW;
- 7) izgradnja i/ili korištenje termoenergetskih postrojenja za proizvodnju (primarno) toplotne energije u nadležnosti Kantona;
- 8) izgradnja i/ili korištenje objekata vodoprivrede i vodosnabdijevanja (hidroakumulacije, objekti snabdijevanja vodom sa zahvatom vode u količini iznad jedan litar u sekundi, korištenje vodotoka i drugih voda);
- 9) komunalne usluge (vodosnabdijevanje, distribucija gasa, distribucija toplotne energije, pogrebne usluge i dr.);
- 10) kantonalni i općinski prevoz lica;
- 11) sve vrste linjskog prevoza putnika na području Kantona;
- 12) privredno, sportsko i turističko korištenje žičare;
- 13) korištenje poljoprivrednog zemljišta u državnom vlasništvu;
- 14) korištenje ljekovitih, termalnih, mineralnih i termomineralnih voda;
- 15) hidromelioracioni sistemi i sistemi za vađenje materijala iz vodotoka i vodnih površina;

- 16) istraživanje i/ili korištenje nemetalnih mineralnih sirovina, uključujući sve sekundarne mineralne sirovine propisane posebnim zakonom;
- 17) istraživanje i/ili korištenje svih vrsta energetskih i drugih mineralnih sirovina, uključujući sve vrste soli i solnih voda utvrđenih posebnim zakonom;
- 18) odlaganje čvrstog otpada;
- 19) reciklaža metalnih i nemetalnih otpadaka i ostataka;
- 20) gospodarenje privrednim lovištima i privredni ribolov;
- 21) hoteli i ostali turistički objekti;
- 22) pojedine djelatnosti unutar zaštićenih područja prirode, te za korištenje drugih zaštićenih prirodnih vrijednosti i speleoloških objekata;
- 23) zdravstvene i farmaceutske usluge u skladu sa Zakonom o zdravstvenoj zaštiti ("Službene novine Federacije BiH", br. 46/10 i 75/13) i Zakonom o zdravstvenom osiguranju ("Službene novine Federacije BiH", br. 30/97, 7/02, 70/08 i 48/11);
- 24) sportsko rekreativni objekti;
- 25) druga opća i javna dobra, sadržaji i usluge pogodni za dodjelu koncesije i koji spadaju u nadležnost Kantona, a koji nisu određeni ovim zakonom."

(2) Iza stava (1) dodaju se novi st. (2), (3) i (4) koji glase:

"(2) Za predmete koncesije iz stava (1) tač. 2), 3), 4), 5), 6), 8), 12), 13), 14), 15), 16), 17), 20) i 21) resorno ministarstvo je Ministarstvo privrede Kantona Sarajevo (u dalnjem tekstu: Ministarstvo), za predmete koncesije iz stava (1) tač. 1), 10) i 11) resorno ministarstvo je Ministarstvo saobraćaja Kantona Sarajevo, za predmete koncesije iz stava (1) tač. 7) i 9) resorno ministarstvo je Ministarstvo komunalne privrede i infrastrukture Kantona Sarajevo, za predmete koncesije iz stava (1) tač. 18), 19) i 22) resorno ministarstvo je Ministarstvo prostornog uređenja, građenja i zaštite okoliša Kantona Sarajevo, za predmete koncesije iz stava (1) tačke 23) resorno ministarstvo je Ministarstvo zdravstva Kantona Sarajevo i za predmete koncesije iz stava (1) tačke 24) resorno ministarstvo je Ministarstvo kulture i sporta Kantona Sarajevo."

(3) Za predmete koncesije iz stava (1) tačke 25) Vlada Kantona Sarajevo (u dalnjem tekstu: Vlada Kantona) će u konkretnom slučaju posebnim aktom odrediti resorno ministarstvo.

(4) Pravno ili fizičko lica koje je vlasnik i/ili korisnik mikropostrojenja za proizvodnju električne energije iz obnovljivih izvora energije na području Kantona, instaliseane snage u zbiru do 23 kW, izuzeto je iz obaveze potpisivanja koncesionog ugovora."

(3) Dosadašnji stav (2) postaje stav (5).

(4) Dosadašnji stav (3) postaje stav (6), u kojem se dodaju nove rečenice koje glase: "Nositelj izrade ovog posebnog propisa je Ministarstvo, a priprema ga stručno radno tijelo formirano rješenjem Vlade Kantona, koje čine predstavnici Ministarstva pravde i uprave Kantona Sarajevo i resornih ministarstava iz stava (2) ovog člana, predstavnici jedinica lokalne samouprave i lica iz reda istaknutih stručnjaka iz područja prava. Rok za donošenje ovog posebnog propisa je 12 mjeseci od dana stupanja na snagu ovog zakona.".

Član 5.

(Izmjene člana 7.)

U članu 7. u st. (1) i (6) riječi: "Sva ministarstva Kantona" zamjenjuju se riječima: "Ministarstva iz člana 6. stava (2) ovog zakona".

Član 6.

(Izmjena i dopuna člana 8.)

(1) U članu 8. u stavu (1) iza riječi: "Vlade Kantona", brišu se riječi: "Sarajevo (u dalnjem tekstu: Vlada Kantona)".

(2) Iza stava (1) dodaje se novi stav (2) koji glasi:

"(2) U slučaju da, u postupku rješavanja po zahtjevu (samoinicijativnoj ponudi) za dodjelu koncesije iz člana 20. ovog zakona, Vlada Kantona ocijeni opravdanim provođenje postupka dodjele predmetne koncesije putem javnog poziva iz člana 17. ovog zakona, Skupština Kantona Sarajevo donosi odluku o pristupanju dodjeli predmetne koncesije, na prijedlog Vlade Kantona."

Član 7.

(Izmjene člana 15.)

(1) U članu 15. u stavu (1) iza riječi: "ministarstava" dodaju se zarez i riječi: "osim u slučaju zaključenja ugovora o koncesiji po zahtjevu (samoinicijativnoj ponudi) za dodjelu koncesije u kojem ta sredstva osigurava podnositelj ove ponude".

(2) U stavu (2) riječi: "privrede Kantona Sarajevo (u dalnjem tekstu: Ministarstvo)" brišu se.

Član 8.

(Dopune člana 16.)

U članu 16. iza stava (8) dodaju se novi st. (9) i (10) koji glase:

"(9) Ministarstvo uz saglasnost Vlade Kantona donosi pravilnik kojim se detaljnije uređuje postupak dodjele koncesije putem javnog poziva, u roku od šest mjeseci od dana stupanja na snagu ovog zakona.

(10) Rok za okončanje postupka dodjele koncesije putem javnog poziva je 90 (devedeset) dana, a 120 (stodvadeset) dana u slučaju objave međunarodnog javnog poziva i u slučaju iz člana 17. stava (2) ovog zakona."

Član 9.

(Izmjene i dopune člana 20.)

(1) U članu 20. u stavu (2) iza riječi: "oblast koncesije" dodaju se riječi: "koje propisuje resorno ministarstvo".

(2) U stavu (4) riječ: "Ministarstvo" zamjenjuje se riječima: "Resorno ministarstvo".

(3) U stavu (5) broj i riječ: "30 (trideset)" zamjenjuje se brojem i riječi: "15 (petnaest)", a riječ: "Ministarstvo" zamjenjuje se riječima: "resorno ministarstvo".

(4) U stavu (7) riječ: "Ministarstvo" zamjenjuje se riječima: "Resorno ministarstvo", a iza riječi: "ovlaštenje" dodaju se riječi: "za pregovore i saglasnost na tekst ugovora o koncesiji".

(5) U stavu (9) iza riječi: "prijema" dodaje se riječ: "urednog".

(6) Iza stava (9) dodaju se novi st. (10), (11) i (12) koji glase:

"(10) U slučaju postojanja javnog interesa za dodjelu koncesije Vlada Kantona donosi Odluku o postojanju javnog interesa za dodjelu koncesije u roku od 45 (četrdesetpet) dana od dana prijema urednog zahtjeva za dodjelu koncesije.

(11) Vlada Kantona na prijedlog resornog ministarstva daje saglasnost na tekst ugovora o koncesiji u roku od 30 (trideset) dana od dana davanja ovlaštenja za pregovore.

(12) Resorno ministarstvo uz saglasnost Vlade Kantona donosi pravilnik kojim se detaljnije uređuje postupak dodjele koncesije na osnovu zahtjeva (samoinicijativne ponude) za dodjelu koncesije, u roku od šest mjeseci od dana stupanja na snagu ovog zakona. Ovim pravilnikom se propisuju i dokumenti koji su specifični za predmet koncesije, odnosno oblast predmeta koncesije, koji se obavezno dostavljaju uz zahtjev za dodjelu koncesije, kao i dokumenti koje ponuđač obavezno dostavlja općini radi davanja saglasnosti općinskog vijeća za provođenje postupka dodjele predmetne koncesije."

(7) Dosadašnji stav (10) postaje stav (13), u kojem se riječi: "stava (9)" zamjenjuju riječima: "st. (9) i (10)".

Član 10.

(Izmjene i dopune člana 21.)

(1) U članu 21. u stavu (1) iza tačke 8) dodaje se nova tačka 9) koja glasi:

"9) obaveze koncesionara da preuzme sve rizike od nastalih štetnih posljedica korištenjem koncesionog prava,"

(2) U stavu (1) dosadašnje tačke: 9), 10), 11), 12), 13), 14), 15), 16), 17), 18), 19), 20), 21), 22), 23), 24) i 25) postaju tačke: 10), 11), 12), 13), 14), 15), 16), 17), 18), 19), 20), 21), 22), 23), 24), 25) i 26).

(3) Iza stava (4) dodaje se novi stav (5) koji glasi:

"(5) Ministarstvo finansija Kantona Sarajevo uz saglasnost Vlade Kantona donosi pravilnik kojim se detaljno uređuje pitanje mjera finansijskog obezbjeđenja ugovora o koncesiji, u roku od šest mjeseci od dana stupanja na snagu ovog zakona. U postupku donošenja ovog pravilnika, Ministarstvo finansija Kantona Sarajevo obavezno pribavlja i mišljenja resornih ministarstava iz člana 6. stava (2) ovog zakona."

Član 11.

(Izmjene i dopune člana 22.)

(1) U članu 22. u nazivu člana iza riječi: "koncesija" dodaju se veznički znaci "i" i riječ: "ograničenja".

(2) Iza stava (1) dodaju se novi st. (2) i (3) koji glase:

"(2) Rok početka korištenja koncesije ne može biti duži od pet godina od dana zaključivanja ugovora o koncesiji. Samo u izuzetnom slučaju ovaj rok se može produžiti za period do dvije godine.

(3) Ugovor o koncesiji ne može se zaključiti sa koncesionarom koji nije ispunio u potpunosti sve obaveze iz bilo kojeg zaključenog ugovora o koncesiji sa koncesorom."

(3) Dosadašnji stav (2) postaje stav (4).

Član 12.

(Izmjene člana 23.)

(1) U članu 23. u stavu (1) briše se rečenica: "Ugovor o koncesiji se može prenijeti samo ukoliko su ispunjeni uslovi iz ugovora koji se odnose na investiranje.".

(2) U stavu (2) iza riječi: "koncesiji" briše se rječica: "ne".

Član 13.

(Dopuna člana 24.)

U članu 24. u stavu (2) na kraju rečenice dodaje se riječ: "druga.".

Član 14.

(Izmjene i dopune člana 28.)

U članu 28. u stavu (3) ispred riječi: "datum" dodaju se riječi: "naziv koncesionara, adresa sjedišta koncesionara,", a iza riječi: "početka" dodaju se veznički znaci "i" i riječi: "datum završetka".

Član 15.

(Izmjena člana 29.)

U članu 29. briše se riječi: "ili fizičko".

Član 16.

(Izmjene i dopune člana 32.)

(1) U članu 32. stav (3) mijenja se i glasi:

"(3) U slučaju neispunjena ugovorenih obaveza plaćanja naknade za koncesije, resorno ministarstvo je obavezno poduzimati sve mjere naplate istih kod nadležnih organa, o čemu obavještava Ministarstvo finansija Kantona Sarajevo i koncesora."

(2) U stavu (4) riječ: "koncesor" zamjenjuje se riječima: "resorno ministarstvo", riječ: "dužan" zamjenjuje se sa riječi: "dužno", iza riječi: "Pravobranilaštvo" dodaje se zarez i riječi: "Ministarstvo finansija Kantona Sarajevo", a riječi: "Ministarstvo finansija" zamjenjuju se sa riječi: "koncesora".

(3) Iza stava (4) dodaju se novi st. (5), (6), (7) i (8) koji glase:

"(5) Ministarstvo finansija Kantona Sarajevo dostavlja resornom ministarstvu mjesecne izvještaje o uplatama koje se odnose na korištenje koncesionog prava, a resorno ministarstvo dostavlja koncesoru polugodišnji i godišnji izvještaj o svim pitanjima koja se odnose na predmete koncesije iz svog resora.

(6) Za predmete koncesije iz odnosne općine, resorno ministarstvo dostavlja općinskom načelniku jedan primjerak zaključenog ugovora o koncesiji, u roku od 15 (petnaest) dana od dana zaključivanja. Ova obaveza odnosi se i na svaki zaključeni aneks ugovora o koncesiji.

(7) Za predmete koncesije iz odnosne općine, resorno ministarstvo dostavlja općinskom načelniku godišnji izvještaj iz stava (5) ovog člana.

(8) Vlada Kantona dostavlja Skupštini Kantona Sarajevo godišnji izvještaj o stanju provođenja ovog zakona, koje uključuje i pitanja izvršavanja zaključenih ugovora o koncesiji."

Član 17.

(Izmjene člana 34.)

(1) U članu 34. u stavu (1) riječi: "prirodno bogatstvo, dobro u općoj upotrebi," zamjenjuju se riječima: "predmet koncesije".

(2) U stavu (3) riječi: "prirodno bogatstvo, dobro u općoj upotrebi" zamjenjuju se riječima: "predmet koncesije".

Član 18.

(Dopune člana 35.)

U članu 35. iza stava (7) dodaju se novi st. (8), (9) i (10) koji glase:

"(8) Korisnik predmeta koncesije iz člana 6. stava (1) tačke 4) ovog zakona, koji ima dozvolu za rad, dužan je podnijeti zahtjev za dodjelu koncesije u skladu sa članom 20. ovog zakona u roku od 30 (trideset) dana od dana stupanja na snagu ovog zakona.

(9) Ako ugovor o koncesiji po zahtjevu iz stava (8) ovog člana ne bude zaključen u roku od 90 (devedeset) dana od dana podnošenja urednog zahtjeva nadležni inspekcijski organ rješenjem će zabraniti korištenje predmeta koncesije.

(10) Vlada Kantona će, na prijedlog Ministarstva, uredbom propisati korištenje objekata snabdijevanja vodom sa zahvatom vode u količini do jedan litar u sekundi, u roku od šest mjeseci od dana stupanja na snagu ovog zakona. U postupku donošenja ove uredbe, Ministarstvo obavezno pribavlja i mišljenja jedinica lokalne samouprave. Ugovor o korištenju vode iz ovih objekata može se zaključiti na period do pet godina, koji se može obnavljati."

Član 19.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj: _____ /19
Sarajevo, _____ 2019.

PREDSJEDAVAJUĆI
SKUPŠTINE KANTONA SARAJEVO
Elmedin Konaković

O B R A Z L O Ž E N J E

PRAVNI OSNOV

Pravni osnov za donošenje Zakona o izmjenama i dopunama Zakona o koncesijama ("Službene novine Kantona Sarajevo", br. 27/11 i 15/13) sadržan je u članu 13. stav (1) tačka i) i članu 18. stav (1) tačka b) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17).

RAZLOZI ZA DONOŠENJE

U okviru analize: provođenja zakonskih obaveza koje se odnose na planiranje i pripremne radnje za dodjelu koncesija, ostvarenih efekata primjene Zakona o koncesijama sa aspekta obima i raznovrsnosti dodijeljenih predmeta koncesija, vrste provedenih postupaka i broja dodijeljenih ugovora o koncesiji, prepreka u postupcima dodjele koncesija i aktivnostima vezanim za dodjelu koncesija koje imaju za posljedicu vremensku dužinu trajanja procesa do zaključenja ugovora o koncesiji, stepena uređenosti pitanja mjera finansijskog obezbjeđenja ugovora o koncesiji i stanja dosadašnjeg zakonom propisanog sistema nadzora nad provođenjem zakona i ugovora o koncesiji, zaključeno je, u osnovnom, sljedeće: Resorna ministarstva i općine u Kantonu Sarajevo ne provode zakonske obaveze koje se odnose na planiranje i pripremne radnje za dodjelu koncesija; U proteklom periodu, broj provedenih postupaka za dodjelu koncesija i broj zaključenih ugovora o koncesiji nije zadovoljavajući; Provedeni postupci i zaključeni ugovori o koncesiji se odnose na resor Ministarstva privrede Kantona Sarajevo, dok druga resorna ministarstva nisu proveli niti jedan ovaj postupak, tj. putem istih nije zaključen niti jedan ugovor o koncesiji za predmet koncesije iz njihovog resora; Dosadašnji dodijeljeni ugovori o koncesiji odnose se na: oblast predmeta koncesije - korištenje nemetalnih mineralnih sirovina, predmet koncesije - korištenje podzemnih pitkih voda, predmet koncesije - korištenje termomineralne vode i predmet koncesije - izgradnja i korištenje vjetroelektrane, što sa aspekta raznovrsnosti dodijeljenih predmeta koncesije nije zadovoljavajuće; Vremenska dužina trajanja procesa do zaključenja ugovora o koncesiji je velika/neprihvatljiva; i Radi unaprjeđenja ostvarivanja prava i izvršavanja obaveza iz ugovora o koncesiji, potrebno je - detaljno urediti pitanje mjera finansijskog obezbjeđenja ugovora o koncesiji, kao i redefinisati dosadašnji sistem nadzora nad provođenjem zakona i ugovora o koncesiji u smislu njegovog poboljšanja u potrebnim aspektima, uključujući i preciziranje obaveza sudionika u istom, kao i poduzimanje mjeru radi ispunjenje obaveza koncesionara pri korištenju koncesionog prava.

U cilju otklanjanja naprijed navedenih nedostataka tj. poboljšanja svih odnosnih aspekata primjene postojećeg Zakona o koncesijama ("Službene novine Kantona Sarajevo", br. 27/11 i 15/13), Ministarstvo privrede Kantona Sarajevo je ocijenilo neophodnim - da je potrebno, bez ikakvog daljeg odlaganja, donijeti Zakon o izmjenama i dopunama Zakona o koncesijama, te je shodno tome u Programu rada za 2019. godinu planirano donošenje ovog Zakona, kao jednog od prvih koraka ka ostvarenju ovog cilja. Slijedom toga, Ministarstvo privrede Kantona Sarajevo, kao nosilac pripreme ovog Zakona, pripremilo je Nacrt zakona o izmjenama i dopunama Zakona o koncesijama, u kojem su data potrebna pravna rješenja, a koja pravna rješenja su detaljno opisana u ovom Obrazloženju.

U skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj 50/17 - Drugi novi prečišćeni tekst), po zahtjevima Ministarstva privrede Kantona Sarajevo, na Nacrt zakona o izmjenama i dopunama Zakona o koncesijama, dostavljena su mišljenja od strane: Ureda za zakonodavstvo Vlade Kantona Sarajevo-Mišljenje broj: 09-02-33327/19 od 17.09.2019. godine, Ministarstva pravde i uprave Kantona Sarajevo-Mišljenje broj: 03-04-02-33325/19 od 16.09.2019. godine, Ministarstva

finansija Kantona Sarajevo-Mišljenje broj: 08-01-02-33329/19 A.Š. od 18.09.2019. godine i Pravobranilaštva Kantona Sarajevo-Mišljenje broj: M-163/19 od 23.09.2019. godine. Nakon razmatranja ovih mišljenja, Ministarstvo privrede Kantona Sarajevo je konstatovalo – da su sva gore pomenuta mišljenja na Nacrt zakona o izmjenama i dopunama Zakona o koncesijama pozitivna, s tim da je Pravobranilaštvo Kantona Sarajevo primjetilo jednu tehničku grešku, te je, u vezi sa tim, u svom Mišljenju, broj gornji od 23.09.2019. godine, navelo da je u članu 29. postojećeg Zakona o koncesijama propušteno brisati fizičko lice jer isto prema Nacrtu zakona o izmjenama i dopunama Zakona o koncesijama ne može imati pravni status koncesionara. Smatrajući nevedeno opravdanim, Ministarstvo privrede Kantona Sarajevo je izvršilo predmetnu ispravku u ovom Nacrtu zakona.

PRAVNA RJEŠENJA

Član 1. - Usklađivanje odredbe iz člana 2. postojećeg Zakona o koncesijama sa Zakonom o koncesijama ("Službene novine Federacije BiH, br. 40/02 i 61/06).

Član 2. - Usklađivanje odredbe iz člana 3. postojećeg Zakona o koncesijama sa Zakonom o koncesijama ("Službene novine Federacije BiH, br. 40/02 i 61/06), kao i dodatno preciziranje ove odredbe koja se odnosi na cilj Zakona o koncesijama.

Član 3. - Usklađivanje odredbi iz člana 5. postojećeg Zakona o koncesijama sa Zakonom o koncesijama ("Službene novine Federacije BiH, br. 40/02 i 61/06).

Član 4. - Prije svega, potrebno je napomenuti da je prilikom pripreme izmjena i dopuna člana 6. stava (1) postojećeg Zakona o koncesijama primjećeno da su pri donošenju Zakona o izmjenama i dopunama Zakona o koncesijama ("Službene novine Kantona Sarajevo", broj 15/13) brisane tačke: 1), 9) i 20) ovog stava, a da istovremeno u brojčanom smislu nije promijenjen preostali niz tačaka u ovom stavu. Iz tog razloga, te iz praktičnih razloga pristupilo se izmjeni postojećeg stava (1) i definisanju novog stava (1) člana 6., iako je znatan broj tačaka postojećeg stava (1) člana 6. ostao nepromijenjen (osim brojčane označke). S tim u vezi, može se konstatovati sljedeće - Tačke: 2), 6), 7), 8), 12), 15), 16), 18), 19) i 22) postojećeg stava (1) člana 6. postale su, respektivno, tačke: 1), 10), 11), 12), 15), 18), 19), 21), 22) i 24) novog stava (1) člana 6., a tekst u istim ostao je nepromijenjen.

Predmeti koncesije definisani tačkom 3) postojećeg stava (1) člana 6. su redefinisani na način da su određeni tačkama: 2), 3), 5), 6) i 7) novog stava (1) člana 6. To je učinjeno iz razloga preciziranja i pravilnog definisanja predmeta koncesije iz ove odnosne oblasti, kao i radi preciziranja razgraničenja nadležnosti u ovoj oblasti između dva resorna ministarstva. Cjevovodi (pojedinačni-linijski i mrežni) su infrastrukturni objekti za prenos energetskog ili drugog medija, te su kao takvi obuhvaćeni odnosnim predmetima koncesija iz tačke 5) postojećeg stava (1) člana 6. koja je postala tačka 9) novog stava (1) člana 6.

U novom stavu (1) člana 6. dodat je novi predmet koncesije: "(4) korištenje zemljишta ili građevinskog objekta za izgradnju i/ili korištenje postrojenja za pretvaranje energije sunca u električnu energiju instalisane snage ispod 5 MW", koji ranijim Zakonom o koncesijama nije bio obuhvaćen, odnosno propisan, te je u tom smislu dodavanjem ovog predmeta koncesije učinjena opravdana ispravka.

Tačka 4) postojećeg stava (1) člana 6. je postala tačka 8) novog stava (1) člana 6., u kojoj su iza riječi: "vodom" dodate riječi: "sa zahvatom vode u količini iznad jedan litar u sekundi", čime je riješeno, kad su ovi objekti u pitanju, da je predmet koncesije - izgradnja i/ili korištenje objekata snabdijevanja vodom sa zahvatom vode u količini iznad jedan litar u sekundi. Zbog takvog rješenja, korištenje objekata snabdijevanja vodom sa zahvatom vode u količini do jedan litar u sekundi će biti regulisano uredbom koju na prijedlog Ministarstva privrede Kantona Sarajevo donosi Vlada Kantona Sarajevo, odnosno kako je to propisano u novom stavu (10) koji je pored st. (8) i (9) dodat iza stava (7) u članu 35. postojećeg Zakona o koncesijama.

Tačka 5) postojećeg stava (1) člana 6. je postala tačka 9) novog stava (1) člana 6., u kojoj su riječi: "zagrijavanje stanova" zamjenjene riječima: "distribucija gasa, distribucija toplotne energije", te je na kraju teksta iz ove tačke dodat interpunkcijski znak ";", a isto je učinjeno iz razloga preciziranja određenih predmeta koncesije iz ove/predmetne oblasti.

Tačka 10) postojećeg stava (1) člana 6. je postala tačka 13) novog stava (1) člana 6., u kojoj su iza riječi: "zemljišta" dodate riječi: "u državnom vlasništvu", a isto je učinjeno radi preciziranja ovog predmeta koncesije.

Tačka 11) postojećeg stava (1) člana 6. je postala tačka 14) novog stava (1) člana 6., u kojoj je iza riječi "mineralnih" brisan zarez i dodat veznik "i", te su brisane riječi: "i termomineralnih voda za zagrijavanje", a isto je učinjeno iz razloga preciziranja predmeta koncesije iz ove oblasti, uključujući preciziranje potrebne obuhvatnosti predmeta koncesija iz ove oblasti. Naime, korištenje ovih vrsta voda su predmeti koncesije nezavisno o namjeni korištenja pojedine vrste ovih voda, te su zato brisane gore pomenute riječi jer se nepotrebne i na određen način stvaraju konfuziju.

Tačka 13) postojećeg stava (1) člana 6. je postala tačka 16) novog stava (1) člana 6., u kojoj je iza riječi: "sировина" dodat zarez, te je iza riječi: "uključujući" dodata riječ: "sve", a isto je učinjeno iz razloga preciziranja predmeta koncesije i njihove obuhvatnosti iz ove oblasti.

Tačka 14) postojećeg stava (1) člana 6. je postala tačka 17) novog stava (1) člana 6., u kojoj su riječi: "sve vrste" zamjenjene riječima: "istraživanje i/ili korištenje svih vrsta", a isto je učinjeno iz razloga ispravnog definisanja predmeta koncesije iz ove oblasti. Naime, predmet koncesije ne može biti sam po sebi resurs iz ove oblasti, nego može biti privredna aktivnost, odnosno privredna djelatnost vezano za resurse iz ove oblasti.

Tačka 17) postojećeg stava (1) člana 6. je postala tačka 20) novog stava (1) člana 6., u kojoj je iza riječi: "гospodarenje" dodata riječ: "privrednim", a isto je učinjeno iz razloga što temeljem Zakona o lovstvu predmet koncesije može biti gospodarenje - privrednim lovištima.

Tačka 21) postojećeg stava (1) člana 6. je postala tačka 23) novog stava (1) člana 6., u kojoj je iza navedenih odnosnih zakona dodat tekst koji se odnosi na odnosne službene novine u kojima su ti zakoni objavljeni.

Tačka 23) postojećeg stava (1) člana 6. je izmjenjena, te je postala tačka 25) novog stava (1) člana 6. koja glasi: "25) druga opća i javna dobra, sadržaji i usluge pogodni za dodjelu koncesije i koji spadaju u nadležnost Kantona, a koji nisu određeni ovim zakonom.", a isto je učinjeno iz razloga što postojeća odredba nije ispravno definisana, uključujući i njene aspekte preciznosti i obuhvatnosti.

Iza stava (1) dodati su novi st. (2), (3) i (4), radi sljedećeg:

Stavom (2) propisana su, odnosno precizirana su resorna ministarstva za predmete koncesije, odnosno oblasti predmeta koncesije iz njihovog resora, a isto je učinjeno iz razloga da se time ne ostavlja dilema u pogledu postupanja na predmetima koncesije iz pojedinih resora, te ne ostavljaju dileme vezane za prava, obaveze i odgovornosti odnosnih resornih ministarstava propisanim ostalim odnosnim odredbama Zakona o koncesijama.

Stavom (3) je propisan način određivanje resornog ministarstva u slučaju kada je predmet koncesije iz tačke 25).

Stavom (4) propisano je - da je pravno ili fizičko lica koje je vlasnik i/ili korisnik mikropostrojenja za proizvodnju električne energije iz obnovljivih izvora energije na području Kantona, instalisane snage u zbiru do 23 kW, izuzeto iz obaveze potpisivanja koncesionog ugovora, a isto je učinjeno iz sljedećih razloga: Prije svega, treba naglasiti da se u ovom slučaju radi o mikropostrojenjima i da se proizvodi električna energija iz obnovljivih izvora energije ("zelena energija"), kojim se u Kantonu Sarajevo poboljšavaju okolišni aspekti i odnosni aspekti u elektroenergetskom sistemu, te da se ovom koncesijom pogodnosti stimulira ulaganje u

izgradnju i korištenje ovih postrojenja za proizvodnju električne energije, čime se postižu, pored ostalih, ekonomski efekti i smanjenje broja nezaposlenih. Također, treba napomenuti da subjekti koji grade i/ili koriste ova mikropostrojenja imaju određene dodatne pogodnosti propisane drugim propisima, kao što su Zakon o električnoj energiji u Federaciji BiH i Zakon o korištenju obnovljivih izvora energije i efikasne kogeneracije.

S obzirom na prethodno, dosadašnji stav (2) je postao stav (5), a dosadašnji stav (3) je postao stav (6), u kojem su dodate nove rečenice koje glase: "Nosilac izrade ovog posebnog propisa je Ministarstvo privrede Kantona, a priprema ga stručno radno tijelo formirano rješenjem Vlade Kantona, koje čine predstavnici Ministarstva pravde i uprave Kantona i resornih ministarstava iz stava (2) ovog člana, predstavnici jedinica lokalne samouprave i lica iz reda istaknutih stručnjaka iz područja prava. Rok za donošenje ovog posebnog propisa je 12 mjeseci od dana stupanja na snagu ovog zakona.". Ova dopuna je učinjena iz razloga da se odredi nosilac izrade ovog posebnog propisa, način formiranja stručnog radnog tijela i njegov strukturni sastav, tj. stručno radno tijelo koje priprema ovaj posebni propis, kao i da se propiše rok za njegovo donošenje, a sve u cilju preciziranja donošenja ovog posebnog propisa, što će u osnovi poboljšati primjenu Zakona o koncesijama u odnosnim aspektima.

Član 5. - U članu 7. u st. (1) i (6) riječi: "Sva ministarstva Kantona" zamjenjuju se riječima: "Ministarstva iz člana 6. stava (2)", a isto je učinjeno iz razloga preciziranja - na koja ministarstva Kantona Sarajevo se odnose odnosne obaveze iz člana 7.

Član 6. - U člana 8. u stavu (1) izvršena je tehnička korekcija teksta. Dalje, u članu 8. iza stava (1) dodat je novi stav (2) koji glasi: "(2) U slučaju da, u postupku rješavanja po zahtjevu (samoinicijativnoj ponudi) za dodjelu koncesije iz člana 20. ovog zakona, Vlada Kantona ocijeni opravdanim provođenje postupka dodjele predmetne koncesije putem javnog poziva iz člana 17. ovog zakona, Skupština Kantona donosi odluku o pristupanju dodjeli predmetne koncesije, na prijedlog Vlade Kantona.", a isto je učinjeno iz razloga što, u predmetnom postupku, Vlada Kantona Sarajevo može da odluči da ne postoji javni interes za dodjelu predmetne koncesije i da ocijeni opravdanim provođenje postupka dodjele predmetne koncesije putem javnog poziva iz člana 17. ovog zakona, što bi u slučaju nepostojanja predmetne tj. ove odredbe značilo - da se sa ovim predmetom koncesije može postupati tek kada se uključi u godišnji plan, a taj period kašnjenja može biti i do jedne godine, tako da je isto neprihvatljivo iz više razloga i nije u interesu Kantona Sarajevo.

Član 7. - U članu 15. u stavu (1) iza riječi: "ministarstava" dodaju se zarez i riječi: "osim u slučaju zaključenja ugovora o koncesiji po zahtjevu (samoinicijativnoj ponudi) za dodjelu koncesije u kojem ta sredstva osigurava podnositelj ove ponude", a u stavu (2) izvršena je tehnička korekcija teksta.

Član 8. - U članu 16. iza stava (8) dodati su novi st. (9) i (10) koji glase:

"(9) Ministarstvo uz saglasnost Vlade Kantona donosi pravilnik kojim se detaljnije uređuje postupak dodjele koncesije putem javnog poziva, u roku od šest mjeseci od dana stupanja na snagu ovog zakona.

(10) Rok za okončanje postupka dodjele koncesije putem javnog poziva je 90 (devedeset) dana, a 120 (stotvadeset) dana u slučaju objave međunarodnog javnog poziva i u slučaju iz člana 17. stava (2) ovog zakona."

Član 9. - U članu 20. izvršene su sljedeće izmjene i dopune:

U stavu (2) iza riječi: "oblast koncesije" dodate su riječi: "koje propisuje resorno ministarstvo". U vezi s tim, novim stavom (12) propisano je da se i odnosni specifični dokumenti propisuju pravilnikom koji donosi resorno ministarstvo uz saglasnost Vlade Kantona.

U stavu (4) riječ: "Ministarstvo" zamjenjena je riječima: "Resorno ministarstvo", a isto je učinjeno iz razloga što riječ Ministarstvo u članu 15. stav (2) postojećeg Zakona o koncesijama označava Ministarstvo privrede Kantona Sarajevo.

U stavu (5) broj i riječ: "30 (trideset)" zamjenjeni su brojem i riječi: "15 (petnaest)", a riječ: "Ministarstvo" zamjenjena je riječima: "resorno ministarstvo". Ove izmjene su učinjene iz razloga sinhronizacije roka za donošenje odluke o postojanju javnog interesa, roka za davanje ovlaštenja za pregovore, roka za davanje saglasnosti na tekst ugovora o koncesiji, te ukupnog roka u ovom postupku, a riječ Ministarstvo je zamjenjena iz naprijed navedenog razloga.

U stavu (7) riječ: "Ministarstvo" zamjenjena je riječima: "Resorno ministarstvo", a iza riječi: "ovlaštenje" dodate su riječi: "za pregovore i saglasnost na tekst ugovora o koncesiji". Ove izmjene i dopune su učinjene iz razloga preciziranja nadležnosti Vlade Kantona, a riječ Ministarstvo je zamjenjena iz naprijed navedenog razloga.

U stavu (9) iz riječi: "prijema" dodata je riječ: "urednog", a isto je učinjeno radi preciziranja tačnog dana od kada počinje teći predmetni rok.

Iza stava (9) dodati su novi st. (10), (11) i (12) koji glase:

"(10) U slučaju postojanja javnog interesa za dodjelu koncesije Vlade Kantona donosi Odluku o postojanju javnog interesa za dodjelu koncesije u roku od 45 (četrdesetpet) dana od dana prijema urednog zahtjeva za dodjelu koncesije.

(11) Vlada Kantona na prijedlog resornog ministarstva daje saglasnost na tekst ugovora o koncesiji u roku od 30 (trideset) dana od dana davanja ovlaštenja za pregovore.

(12) Resorno ministarstvo uz saglasnost Vlade Kantona donosi pravilnik kojim se detaljnije uređuje postupak dodjele koncesije na osnovu zahtjeva (samoinicijativne ponude) za dodjelu koncesije, u roku od šest mjeseci od dana stupanja na snagu ovog zakona. Ovim pravilnikom se propisuju i dokumenti koji su specifični za predmet koncesije, odnosno oblast predmeta koncesije, koji se obavezno dostavljaju uz zahtjev za dodjelu koncesije, kao i dokumenti koje ponuđač obavezno dostavlja općini radi davanja saglasnosti općinskog vijeća za provođenje postupka dodjele predmetne koncesije."

S obzirom na prethodno, dosadašnji stav (10) je postao stav (13), u kojem su riječi: "stava (9)" zamjenjene riječima: "st. (9) i (10)", a stav (10) je dodat jer se odredba iz stava (13) odnosi i na Odluku o postojanju javnog interesa za dodjelu koncesije.

Član 10. - U članu 21. u stavu (1) iza tačke 8) dodaje se nova tačka 9) koja glasi: "9) obaveze koncesionara da preuzme sve rizike od nastalih štetnih posljedica korištenjem koncesionog prava,", a isto je učinjeno da ugovor o koncesiji obavezno sadrži i ovaj neophodni element ovog ugovora. Dalje, u ovom članu iza stava (4) dodat je novi stav (5) koji glasi: "(5) Ministarstvo finansija uz saglasnost Vlade Kantona donosi pravilnik kojim se detaljno uređuje pitanje mjera finansijskog obezbjedenja ugovora o koncesiji, u roku od šest mjeseci od dana stupanja na snagu ovog zakona. U postupku donošenja ovog pravilnika, Ministarstvo finansija obavezno pribavlja i mišljenja resornih ministarstava iz člana 6. stava (2) ovog zakona.", a isto je učinjeno - da se detaljno i to pravilnikom uredi pitanje mjera finansijskog obezbjedenja ugovora o koncesiji. Naime, pitanje uređenja mjera finansijskog obezbjedenja ugovora o koncesiji je kompleksno pitanje koje je moguće regulisati u potrebnoj mjeri, tj. pravilno i detaljno urediti - posebnim podzakonskim aktom, tj. odnosnim pravilnikom kako je i predloženo novim stavom (5), a uzimajući u obzir - da se na mjeru finansijskog obezbjedenja ugovora, u određenim aspektima, primjenjuju odredbe drugih propisa, posebno odredbe Zakona o obligacionim odnosima.

Član 11. - U članu 22. u nazivu člana iza riječi: "koncesija" dodati su veznik "i" i riječ: "ograničenja", a iza stava (1) dodati su novi st. (2) i (3) koji glase:

"(2) Rok početka korištenja koncesije ne može biti duži od pet godina od dana zaključivanja ugovora o koncesiji. Samo u izuzetnom slučaju ovaj rok se može produžiti za period do dvije godine.

(3) Ugovor o koncesiji ne može se zaključiti sa koncesionarom koji nije ispunio u potpunosti sve obaveze iz bilo kojeg zaključenog ugovora o koncesiji sa koncesorom."

Stav (2) je dodat sa ciljem da se zakonom propiše ograničenje - da se ugovorom o koncesiji ne može odrediti rok duži od propisanog maksimalnog roka za početak korištenja koncesije, jer u suprotnom (ili ako to ograničenje nije ugovorenno): ugovor o koncesiji je na snazi, koncesionar ne koristi koncesiju, a predmet koncesije koncesoru nije na raspolaganju za zaključivanje ugovora o koncesiji sa novim koncesionarom, što je iz više razloga neprihvatljivo.

Stav (3) je dodat sa ciljem da se zakonom propiše ograničenje - da se ugovor o koncesiji ne može zaključiti sa koncesionarom koji nije ispunio u potpunosti sve obaveze iz bilo kojeg zaključenog ugovora o koncesiji sa koncesorom.

S obzirom na prethodno dosadašnji stav (2) je postao stav (4).

Član 12. - U članu 23. u stavu (1) brisana je rečenica: "Ugovor o koncesiji se može prenijeti samo ukoliko su ispunjeni uslovi iz ugovora koji se odnose na investiranje.", a isto je učinjeno iz razloga što prenosom ugovora (pa tako i ugovora o koncesiji) nove ugovorne strane preuzimaju sva prava i obaveze iz tog ugovora, pa tako i prava i obaveze koje se odnose na uslove investiranja. Dalje u ovom članu u stavu (2) iza riječi: "koncesiji" briše se rječica: "ne", a isto je učinjeno radi usklađivanja odredbe iz stava (2) člana 23. postojećeg Zakona o koncesijama sa Zakonom o koncesijama ("Službene novine Federacije BiH, br. 40/02 i 61/06").

Član 13. - U članu 24. u stavu (2) na kraju rečenice dodata je riječ: "druga.", radi ispravke tehničke greške u ovom stavu.

Član 14. - U članu 28. u stavu (3) ispred riječi: "datum" dodate se riječi: "naziv koncesionara, adresa sjedišta koncesionara,", a iza riječi: "početka" dodati su veznik "i" i riječi: "datum završetka", a isto je učinjeno radi dopune javnih podataka u registru koncesija.

Član 15. - Usklađivanje člana 29. postojećeg Zakona o koncesijama sa Zakonom o koncesijama ("Službene novine Federacije BiH, br. 40/02 i 61/06).

Član 16. - U članu 32. izvršeno je redefinisanje dosadašnjeg sistema nadzora nad provođenjem zakona i ugovora o koncesiji, na način da je izvršeno sljedeće: izmjena stava (3), izmjene i dopune u stavu (4), te su dodati novi st. (5), (6), (7) i (8), a isto je učinjeno iz razloga poboljšanja ovog sistema nadzora, uključujući i preciziranje obaveza sudionika u istom, kao i poduzimanje mjera radi ispunjenje obaveza koncesionara pri korištenju koncesionog prava. Treba istaći da je novim stavom (6) propisano - da, resorno ministarstvo, za predmete koncesije iz odnosne općine, dostavlja općinskom načelniku jedan primjerak zaključenog ugovora o koncesiji u roku od 15 dana od dana zaključivanja, kao i svaki zaključeni aneks na taj ugovor o koncesiji, te je novim stavom (7) propisano - da resorno ministarstvo dostavlja općinskom načelniku godišnji izvještaj o svim pitanjima koja se odnose na predmete koncesije iz odnosne općine, jer je općina, pored ostalog, zainteresirana strana u koncesionom obligacionom odnosu, u kojem odnosu općini pripada ugovorena koncesiona naknada u iznosu od 60%. Dalje, s obzirom da je u članu 13. Ustava Kantona Sarajevo propisano da je korištenje prirodnih bogatstava zajednička nadležnost Kantona i Federacije BiH, a da su ovim zakonom određeni predmeti koncesije u nadležnosti Kantona Sarajevo, te imajući u vidu da je Skupština Kantona Sarajevo zakonodavni organ Kantona Sarajevo, novim stavom (8) propisano je - da Vlada Kantona Sarajevo dostavlja Skupštini Kantona Sarajevo godišnji izvještaj o stanju provođenja ovog zakona, koje uključuje i pitanja izvršavanja zaključenih ugovora o koncesiji, kako bi Skupština Kantona Sarajevo imala informacije o provođenju ovog zakona po pitanju upravljanja resursima koji su ovim zakonom određeni kao predmeti koncesije.

Član 17. - U člana 34. u stavu (1) riječi: "prirodno bogatstvo, dobro u općoj upotrebi," zamjenjene su riječima: "predmet koncesije", a isto je učinjeno iz razloga ispravnog definisanja i preciziranja odnosnog predmeta prekršaja po ovom zakonu. Također, u stavu (3) riječi: "prirodno bogatstvo, dobro u općoj upotrebi" zamjenjene su riječima: "predmet koncesije", a isto je učinjeno iz prethodno navedenog razloga.

Član 18. - U članu 35. iza stava (7) dodati su novi st. (8), (9) i (10) koji glase:

"(8) Korisnik predmeta koncesije iz člana 6. stava (1) tačke 4) ovog zakona, koji ima dozvolu za rad, dužan je podnijeti zahtjev za dodjelu koncesije u skladu sa članom 20. ovog zakona u roku od 30 (trideset) dana od dana stupanja na snagu ovog zakona.

(9) Ako ugovor o koncesiji po zahtjevu iz stava (8) ovog člana ne bude zaključen u roku od 90 (devedeset) dana od dana podnošenja urednog zahtjeva nadležni inspekcijski organ rješenjem će zabraniti korištenje predmeta koncesije.

(10) Vlada Kantona će, na prijedlog Ministarstva, uredbom propisati korištenje objekata snabdijevanja vodom sa zahvatom vode u količini do jedan litar u sekundi, u roku od šest mjeseci od dana stupanja na snagu ovog zakona. U postupku donošenja ove uredbe, Ministarstvo obavezno pribavlja i mišljenja jedinica lokalne samouprave. Ugovor o korištenju vode iz ovih objekata može se zaključiti na period do pet godina, koji se može obnavljati."

St. (8) i (9) su dodati jer se radi o novom predmetu koncesije u odnosu na postojeći Zakon o koncesijama.

Stav (10) je dodat s obzirom da je u članu (6) u stavu (1) u tački 8) riješeno, odnosno propisano, kad su ovi objekti u pitanju, da je predmet koncesije - izgradnja i/ili korištenje objekata snabdijevanja vodom sa zahvatom vode u količini iznad jedan litar u sekundi. Zbog takvog rješenja, stavom (10) je propisano - da će korištenje objekata snabdijevanja vodom sa zahvatom vode u količini do jedan litar u sekundi biti regulisano uredbom koju na prijedlog Ministarstva privrede Kantona Sarajevo donosi Vlada Kantona Sarajevo. Također, ovim stavom je propisano da se u postupku donošenja ove uredbe obavezno pribavljuju i mišljenja jedinica lokalne samouprave, te je propisano ograničenje (radi sistemskog upravljanja opterećenjem odnosnog vodnog resursa) - da se ugovor o korištenju vode iz ovih objekata može zaključiti na period do pet godina, koji se može obnavljati.

Član 19. - Stupanje ovog zakona na snagu.

FINANSIJSKA SREDSTVA

Za provođenje ovog zakona nisu potrebna dodatna finansijska sredstva u Budžetu Kantona Sarajevo.

Treba napomenuti da za realizaciju zakonskih obaveza koje se odnose na planiranje i pripremne radnje za dodjelu koncesija i drugih obaveza su potrebna finansijska sredstva, ali isto tako treba naglasiti da su ove obaveze propisane postojećim Zakonom o koncesijama.

Na osnovu navedenog, predlaže se Skupštini Kantona Sarajevo da, u skladu sa Poslovnikom Skupštine Kantona Sarajevo, pretrese i utvrdi Nacrt zakona o izmenama i dopunama Zakona o koncesijama i uputi na javnu raspravu kantonalnim organima, jedinicama lokalne samouprave, naučnim i stručnim ustanovama u trajanju od 60 dana.



Broj: 09-02-33327/19
Sarajevo, 17.09.2019. godine

KANTON SARAJEVO
MINISTARSTVO PRIVREDE

PREDMET: Stručno mišljenje na nacrt Zakona o izmjenama i dopunama Zakona o koncesijama.-

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Drugi novi prečišćeni tekst i 2/18- Ispravka), Ured za zakonodavstvo Vlade Kantona Sarajevo, daje slijedeće

M I Š L J E N J E

1. Ured za zakonodavstvo Vlade Kantona Sarajevo nema primjedbi na dostavljeni tekst nacrta Zakona o izmjenama i dopunama Zakona o koncesijama (u daljem tekstu: Zakon), po pitanju njegove usklađenosti sa odredbama ustava, kao i pozitivno-pravnih propisa koji su navedeni u obrazloženju predmetnog materijala.

Nacrt Zakona može poslužiti kao dobra polazna osnova za pripremu što kvalitetnijeg prijedloga ovog propisa.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Drugi novi prečišćeni tekst i 2/18-Ispravka), te se isti može razmatrati na jednoj od narednih sjednica Vlade Kantona Sarajevo, uz preporuku da se predmetni materijal dopuni sa mišljenjem Ministarstva finansija Kantona Sarajevo po pitanju obezbjeđenja budžetskih sredstava za primjenu Zakona, kao i mišljenjem Pravobranilaštva Kantona Sarajevo, s ozbirom da se radi o propisu imovinsko-pravnog karaktera.

Dostaviti:
1. Naslovu
2. Evidencija
3. Arhiva

S E K R E T A R

Ahmed Ljubović, dipl.pravnik



web: <http://vlada.ks.gov.ba>
e-mail: uz@uz.ks.gov.ba
Tel: + 387(0)33 560-449
Sarajevo, Hamida Dizdara 1





Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj: 03-04-02-33325/19
Sarajevo, 16.09.2019. godine

MINISTARSTVO PRIVREDE
gosp. Haris Bašić, ministar

**PREDMET: Nacrt Zakona o izmjenama i dopunama Zakona o koncesijama,
mišljenje –**

VEZA: Vaš akt, broj: 07-04-02-4974-02/19 od 12.09.2019. godine

Postupajući po vašem aktu, broj i datum gornji, a u skladu sa odredbama člana 7. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 2/12-Prečišćeni tekst i br. 41/12 i 8/15) i člana 4. stav 2. Uredbe o postupku i načinu pripremanja, izrade i dostavljanja propisa („Službene novine Kantona Sarajevo“, broj 50/17-Drugi novi prečišćeni tekst i 2/18-Ispravka), Ministarstvo pravde i uprave razmotrilo je nacrt ovog zakona i daje slijedeće

M I Š L J E N J E

Nacrt Zakona o izmjenama i dopunama Zakona o koncesijama je propis kojim se ne povređuju prava zaštićena odredbama Evropske konvencije o zaštiti ljudskih prava i osnovnih sloboda kao ni sa drugim pravnim aktima kojima je utvrđena zaštita ljudskih prava.

S poštovanjem,

Dostaviti:

1. Naslovu;
2. a/a.





Bosnia and Herzegovina
Federation of Bosnia and Herzegovina
CANTON SARAJEVO
Ministry of Finance

Broj: 08-01-02-33329/19 A.Š.
Sarajevo, 18.09.2019. godine

**MINISTARSTVO PRIVREDE
KANTONA SARAJEVO**

Predmet: Mišljenje na Nacrt zakona o izmjenama i dopunama Zakona o koncesijama, *daje se*

Veza: vaš dopis, broj: 07-04-02-4974-03/19 od 23.07.2019. godine

Vezano za Vaš zahtjev za mišljenje na Nacrt zakona o izmjenama i dopunama Zakona o koncesijama, u skladu sa članom 8. Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, br. 34/16 i 15/18), dajemo sljedeće m i šlj e nj e:

Ministarstvo privrede je postupilo u skladu sa navedenim Pravilnikom i Ministarstvu finansija uz Nacrt zakona dostavilo na mišljenje popunjeno i potpisano obrazac IFP-NE u kojem je data izjava da za implementaciju ovog Zakona nisu potrebna dodatna finansijska sredstva iz Budžeta Kantona Sarajevo.

Obzirom da za provođenje ovog zakona nisu potrebna dodatna sredstva iz Budžeta Kantona Sarajevo, na navedeni Nacrt zakona o izmjenama i dopunama Zakona o koncesijama, Ministarstvo finansija, sa aspekta fiskalnog učinka na budžet, nema primjedbi.



Dostaviti:

1. Naslovu
2. MF – Sektor za budžet i fiskalni sistem
3. a/a

Pripremio: Adin Šendro, mr. oec.

Kontrolisala: Amina Močević, mr. oec.



web: <http://mf.ks.gov.ba>

e-mail: mf@mf.ks.gov.ba

Tel: + 387 (0) 33 565-005, Cent.+ 387 (0) 33 565-000

Fax: + 387 (0) 33 565-052 i 565-048
Sarajevo, Maršala Tita 62






Broj:M-163/19
Sarajevo, 23.09.2019.

Bosna i Hercegovina
Federacija Bosne i Hercegovine
KANTON SARAJEVO
Ministarstvo privrede

Veza : Vaš broj 07-04-02-4974-04/19



Aktom broj gornji od 23.07.2019.godine,zaprimaljenim u ovom Pravobranilaštvu dana 12.09.2019.godine,zatražili ste mišljenje Pravobranilaštva Kantona Sarajevo na nacrt Zakona o izmjenama i dopunama Zakona o koncesijama,a u skladu sa Uredbom o postupku i načinu pripremanja,izrade i dostavljanje propisa ("Službene novine Kantona Sarajevo" broj 50/17-Drugi novi prečišćeni tekst i 2/18-Ispravka). Na osnovu uvida u prijedlog gore citiranog Zakona,te proučavanja važećih zakonskih propisa,a u skladu sa svojim zakonskim ovlastima utvrđenim članom 15. Zakona o pravobranilaštvu ("Službene novine Kantona Sarajevo" broj 33/08-novi prečišćeni tekst),te Zakona o izmjenama i dopunama Zakona o pravobranilaštvu ("Službene novine Kantona Sarajevo" broj 7/12,broj 44/16),ovo Pravobranilaštvu izjašnjava se i daje slijedeće :

M I Š L J E N J E

U skladu sa članom 3.stav 4.Uredbe o postupku i načinu pripremanja,izrade i dostavljanja propisa utvrđeno je da u slučaju ukoliko se propisom regulišu imovinsko-pravna pitanja nosilac izrade je dužan pribaviti mišljenje Pravobranilaštva Kantona Sarajevo shodno Zakonu o pravobranilaštvu.

U ovom konkretnom slučaju zakonskim propisom koji je predmet mišljenja i pravne ocjene se utvrđuje davanje prava na korištenje prirodnih bogatstava,dobara u općoj upotrebi ili obavljanje djelatnosti od općeg interesa-dodjela koncesije,te je Kanton Sarajevo u skladu sa članom 6.Zakona o imovini Kantona Sarajevo ("Službene novine Kantona Sarajevo"broj 6/97,9/98,i 5/10,te Zakona o dopuni Zakona o imovini Kantona Sarajevo ("Službene novine Kantona Sarajevo" broj 27/16),vlasnik imovine-prirodnih bogatstava i dobara u općoj upotrebi na području Kantona Sarajevo.

Time postoji u ovom slučaju zakonska nadležnost ovog Pravobranilaštva za postupanje u skladu sa vašim zahtjevom,a u skladu sa gore citiranim Uredbom.

Pravobranilaštvo Kantona Sarajevo nema određenih primjedbi po ovom nacrtu Zakona o izmjenama i dopunama Zakona o koncesijama,osim što je primjećeno da je očitom omaškom u članu 29.važećeg Zakona i koncesijama propušteno brisati riječi "fizičko"-pravni status koncesionara,a što je u skladu sa članom 1.,članom 2.i 3.nacrta



Zakona o izmjenama i dopunama Zakona o koncesijama,kao i članom 32.Zakona o koncesijama ("Službene novine Federacije BiH" broj 40/02 i 61/06).

Sa poštovanjem.



Sarajevo, Branilaca Sarajeva 21, tel/fax +387 (0) 33 214-033, +387 (0) 33 666-614



SLUŽBENE NOVINE

KANTONA SARAJEVO

Godina I - Broj I

Ponedjeljak, 11. marta 1996.
SARAJEVO

Za svaki broj
se pojedinačno određuje
cijena

Na osnovu članova V-1.4. i LX-3(4) Ustava Federacije Bosne i Hercegovine ("Službene novine Federacije BiH", broj 1/94), Skupština Kantona Sarajevo, na sjednici održanoj dana 11. marta 1996. godine, donosi

USTAV KANTONA SARAJEVO

I - OPĆE ODREDBE

Član 1.

Sadržaj

Ovun Ustavom uređuju se organizacija i status Kantona Sarajevo (dalje: Kanton), njegove nadležnosti i struktura vlasti

Član 2

Uspostavljanje Kantona

Područje grada Sarajeva koje je razgraničenjem između entiteta u Bosni i Hercegovini izvršenim Mirovnim sporazumom za Bosnu i Hercegovinu potpisanim u Parizu 14. decembra/prosinca 1995. godine (dalje: Mirovni sporazum) pripalo Federaciji Bosni i Hercegovini (dalje: Federacija), organizira se kao kanton sukladno Ustavu Federacije i ovom Ustavu

Član 3

Naziv i sjedište Kantona

Službeni naziv Kantona je: Kanton Sarajevo
Sjedište Kantona je u Sarajevu

Član 4.

Teritorij Kantona

Teritorij Kantona obuhvata područja općina Centar Sarajevo, Hadžići, Ilidža, Ilijaš, Novi Grad Sarajevo, Novo Sarajevo, Stari Grad Sarajevo, Tmovo i Vogosča, kako je to utvrđeno Mirovnim sporazumom. Ovaj teritorij se bliže utvrđuje posebnim propisom Skupštine Kantona (dalje: Skupština) sukladno sedjeračnim zakonima

U slučaju izmjena teritorija Kantona odvajanjem dijelova teritorije radi pripajanja kantonima ili pripajanjem dijelova drugih kantona ovom Kantonu, Skupština daje svoje prethodno mišljenje, a radi njegove potvrde može zahtjeti i lično i izjašnjavanje građana sa područja Kantona na neki od propisanih načina.

Član 5

Službena obilježja Kantona

Kanton ima grb, zastavu, himnu/svečanu pjesmu i pečat, kao i druga obilježja o kojima odluči Skupština.

Službena obilježja Kantona upotrebljavat će se samostalno ili zajedno sa službenim obilježjima Bosne i Hercegovine i Federacije, kako je to određeno njihovim propisima i propisima Kantona.

Za prihvatanje službenih obilježja iz prethodnog stava u Skupštini potrebna je kvalifikovana većina ukupnog broja poslanika

Član 6

Odnos prema Bosni i Hercegovini i Federaciji

Sarajevo je glavni grad Bosne i Hercegovine i Federacije, kako je to određeno njihovim ustavima

Organj vlasti u Kantoru su dužni obezbijediti punu zaštitu interesa Bosne i Hercegovine i Federacije u njihovom glavnom gradu. Član 10. mogu donositi bilo kakve

I. USTAV

Član 6. Ustavni ustroj Kantona

Skupština ili drugi veliki mali predstavnik ovog zaključka je u obvezničkom napisu izgrađujući i tiskom ili natpisnim tehnikom Bosne i Hercegovine ili Pojasniku na ovome postupaju:

I. ZAŠTITA LJUDSKIH PRAVA I SLOBODA

Član 7.

Utvrđivanje ljudskih prava i sloboda

Na području Kantona obezbjeđuje se puna zaštita ljudskih prava i sloboda utvrđenih Ustavom Bosne i Hercegovine i Ustavom Federacije, kao i u instrumentima danim u Aneksu Ustava Federacije.

Skupština ili bilo koji drugi organ Kantona ne mogu reducirati ljudska prava i slobode utvrđene aktima iz prethodnog stava. Oni su dužni u donošenju propisa i u njihovoj primjeni posebno voditi računa o efektima koje ti propisi imaju ili mogu imati u oblasti ljudskih prava i sloboda.

Član 8.

Zaštita ljudskih prava i sloboda

Skupština će obezbiti donošenje takvih propisa kojima će se u prvom redu zaštititi utvrđena ljudska prava i slobode, te uvesti efikasni instrument za zaštitu.

Organi vlasti u Kantunu prilikom izvršavanja propisa su obavezni onemogućiti svako narušavanje ljudskih prava i sloboda, te poduzimati sve potrebne mjeru iz svoje nadležnosti radi njihove potpune zaštite. Ovo se posebno odnosi na policijske snage koje će efikasnim, preventivnim i operativnim radom obezbijediti punu ličnu i imovinsku zaštitu svakog građanina.

Član 9.

Komisija za ljudska prava

Radi zaštite ljudskih prava i sloboda i kontrole rada svih organa vlasti Kantona u ovoj oblasti, Skupština obrazuje posebnu Komisiju za ljudska prava.

Broj članova, način njihovog imenovanja te nadležnosti Komisije iz prethodnog stava utvrđuju se posebnim propisom Kantona.

Član 10.

Saradnja sa ombudsmenom i međunarodnim organizacijama

Skupština i drugi organi vlasti su obavezni pružiti ombudsmenu Bosne i Hercegovine, ombudsmenu Federacije i svim međunarodnim posmatračkim tijelima za ljudska prava potreblju pomoći u vršenju njihovih funkcija na području Kantona.

U okviru pomoći iz prethodnog stava organi Kantona će naročito:

- staviti na uviđe sve službene dokumente uključujući i one tajnog karaktera, te sudске i upravne spise;
- osigurati suradnju svake osobe i svakog službenika u davanju potrebnih informacija i podataka;
- osigurati pristup i kontrolu na svim mjestima gdje su osobe lišene slobode, zatvorene ili gde rade;

dostupnost predstavnika ombudsmana i ombudsmana u sastancima organa.

Nalazi i izvještaji tijela iz stava 1. ovog Člana će se uključivati u nadležnim organima po hitnom postupku, te će na osnovu toga biti preduzimane odgovarajuće mјere gdje to bude potrebno.

II. NADLEŽNOSTI KANTONA

Član 11.

Određivanje nadležnosti

Kanton ima nadležnosti utvrđene Ustavom Federacije i ovim Ustavom.

U slučaju potrebe za tumačenjem, nadležnosti Kantona utvrđene ovim Ustavom će biti tumačene u korist Kantona po principu predstavljene nadležnosti, a pojedinačno spomenuta ovlaštenja u ovom Ustavu se neće tumačiti kao bilo kakva ograničenja općih nadležnosti Kantona.

Član 12.

Isključive nadležnosti

U okviru svojih nadležnosti Kanton je nadležan za:

- uspostavljanje i nadziranje policijskih snaga;
- utvrđivanje obrazovne politike, uključujući i donošenje propisa o obrazovanju i osiguranje obrazovanja;
- utvrđivanje i provođenje kulturne politike;
- utvrđivanje stambene politike, uključujući i donošenje propisa koji se tiču uređivanja i izgradnje stambenih objekata;
- utvrđivanje politike koja se tiče reguliranja i osipavanja javnih službi;
- donošenje propisa o korištenju lokalnog zemljišta, uključujući i zaniranje;
- donošenje propisa o unaprijedovanju lokalnog poslovanja i dobrotvornih aktivnosti;
- donošenje propisa o lokalnim postrojenjima za proizvodnju energije i osiguranje njihove dostupnosti;
- utvrđivanje politike u vezi sa osiguranjem radija i televizije, uključujući donošenje propisa o osiguranju njihovog rada i izgradnji;
- provodenje socijalne politike i uspostava službi socijalne zaštite;
- stvaranje i primjena politike turizma i razvoja turističkih resursa;
- stvaranje predpostavki za optimalni razvoj privrede koja odgovara urbanoj sredini;
- finansiranje djelatnosti kantonalnih vlasti ili kantonalnih agencija oporezivanjem, zaduživanjem ili drugim sredstvima

Član 13.

Zajedničke nadležnosti sa Federacijom

Kanton zajedno sa Federacijom, samostalno ili u koordinaciji sa federalnim vlastima vrši sljedeće nadležnosti:

- jamčenje i provođenje ljudskih prava;
- zdravstvo;
- politika zaštite čovjekove okoline;

- a) kantonske i općinske izvještajne i izvještajne funkcije;
- b) provođenje zakona i drugih propisa u okviru nadležnosti;
- c) migracija i zarad;
- d) turizam;
- e) održanje prirodnih bogatstava.

Član 14

Vršenje nadležnosti

Svoje nadležnosti Kanton izvršava donošenjem sopstvenih propisa i primjenom propisa Bosne i Hercegovine i Federacije.

Nadležnosu iz člana 13. ovog Ustava Kanton vrši u obimu dogovorenom sa federalnim vlastima. U slučaju da takav dogovor ne postoji te nadležnosti će Kanton vršiti cijelovito i samostalno.

Član 15.

Prenošenje nadležnosti

Svoje nadležnosti iz oblasti obrazovanja, kulture, turizma, lokalnog poslovanja i dobrovitnih aktivnosti, radija i televizije Kanton može prenijeti na općine u svom sastavu. Ove nadležnosti će se obavezno prenijeti na one općine u kojima većinsko stanovništvo prema nacionalnoj strukturi nije stanovništvo koje čini većinu i na području cijelog Kantona.

Kanton može neke od svojih nadležnosti prenijeti i na federalne vlasti, ukoliko bi se na taj način obezbijedilo njihovo efikasnije i racionalnije vršenje.

Odluku o prenošenju nadležnosti u smislu ovog člana donosi Skupština.

IV - STRUKTURA VLASTI

A) ZAKONODAVNA VLAST

Član 16.

Opća odredba

Zakonodavnu vlast u Kantonu vrši Skupština Kantona.

Član 17.

Sastav Skupštine

Skupština je jednodomno predstavničko tijelo sastavljeno od 45 (četrdesetpet) poslanika. Poslanci se biraju tajnim glasanjem na neposrednim izborima na cijelom području Kantona.

Prilikom izbora poslanika obezbijeduje se odgovarajuća zastupljenost predstavnika Bošnjaka, Hrvata i ostalih naroda proporcionalno nacionalnoj strukturi stanovništva na području Kantona.

Izbor poslanika u Skupštini provodi se sukladno federalnim izbornim propisima, s tim što izbore raspisuje i provodi Skupština.

Mandat poslanika u Skupštini traje 2 (dvije) godine.

član 18

Nadležnosti Skupštine

Skupština Kantona

a) priprema i dvotrcinskom većom usvaja Ustav Kantona;

b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;

c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;

d) utvrđuje politiku i donosi programe razvoja Kantona;

e) potvrđuje imenovanje Premijera zamjenika Premijera i članova Vlade Kantona;

f) osniva kantonalne i općinske sudove i utvrđuje njihove nadležnosti;

g) bira sudije kantonalnih sudova sukladno Ustavu Federacije i ovom Ustavu;

h) usvaja budžet Kantona i donosi zakone o oporezivanju i na drugi način osigurava potrebitno finansiranje;

i) bira zastupnike u Dom naroda Federacije sukladno Ustavu Federacije;

j) odlučuje o prijenosu ovlaštenja Kantona na općine i Federaciju;

k) odobrava zaključivanje ugovora i sporazuma u oblasti međunarodnih odnosa i međunarodne suradnje;

l) provodi istragu sukladno ovom Ustavu i posebnim propisima;

m) vrši i druge poslove utvrđene federalnim propisima, ovim Ustavom i kantonalnim propisima.

Član 19.

Način rada Skupštine

Skupština bira predsjedavajućeg i dva njegova zamjenika iz reda izabranih poslanika.

Skupština zasjeda javno, izuzev u slučajevima kada je to predviđeno njenim poslovnikom. Izvještaji o zasjedanjima i donesenim odlukama se objavljaju u sredstvima javnog informiranja.

Način rada Skupštine bliže se uređuje poslovnikom

Član 20.

Poslanički imunitet

Krivični postupak ili građanska pamica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili kažnjен na bilo koji način zbog iznesenog mišljenja i datog glasa u Skupštini.

Član 21.

Način odlučivanja u Skupštini

U vršenju svojih nadležnosti Skupština donosi zakone, druge propise, te opće i pojedinačne sile (dalje: propisi).



SLUŽBENE NOVINE

KANTONA SARAJEVO

Godina XVI – Broj 27

Ponedjeljak, 24. oktobra 2011. godine
SARAJEVO

ISSN 1512-7052

KANTON SARAJEVO

Skupština Kantona

Na osnovu čl. 13. (i) i 18. (b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04) i člana 40. Zakona o koncesijama ("Službene novine Federacije BiH", br. 40/02 i 61/06) Skupština Kantona Sarajevo, na sjednici održanoj 24. oktobra 2011. godine, donijela je

ZAKON O KONCESIJAMA

I - OPĆE ODREDBE

Član 1. (Predmet Zakona)

Ovim Zakonom se definira pojam koncesije, osnovni pojmovi, predmet koncesije, utvrđuje planiranje i pripremne radnje za dodjelu koncesije, osnivanje i nadležnosti Komisije za koncesije, postupak dodjele koncesije, ugovor o koncesiji, prava i obaveze koncesionara, nadzor, te druga pitanja od značaja za ostvarivanje koncesija na području Kantona Sarajevo (u dalnjem tekstu: Kanton).

Član 2. (Definiranje pojma koncesije)

Koncesija je davanje prava na korištenja prirodnog bogatstva, dobara u općoj upotrebi ili obavljanje djelatnosti od općeg interesa, koje nadležni kantonalni organ (u dalnjem tekstu: koncesor) dodjeljuje na određeno vrijeme, uz plaćanje koncesione naknade, domaćem ili stranom pravnom ili fizičkom licu registrovanom za obavljanje privredne djelatnosti (u dalnjem tekstu: koncesionar), pod uslovima propisanim ovim Zakonom.

Član 3. (Cilj)

Cilj ovog zakona je da propiše transparentan, nediskriminacioni i jasan pravni okvir za utvrđivanje uslova pod kojima se pravnim ili fizičkim domaćim ili stranim licima registrovanim za obavljanje privredne djelatnosti, mogu dodjeljivati koncesije u Kantonu i stimulisanje ulaganja domaćeg i stranog kapitala u oblastima utvrđenim ovim Zakonom.

Član 4. (Načela)

(1) Uređivanje uslova, načina i postupka dodjele koncesije zasniva se na načelima jednakog i pravičnog tretmana,

slobodne tržišne utakmice i autonomije volje ugovornih strana.

- (2) Načelo jednakog i pravičnog tretmana obuhvata zabranu diskriminacije po bilo kom osnovu između učesnika u postupku dodjele koncesije i izbora koncesionara, kao i obavezu da učesnici u postupku izbora koncesionara imaju potpune i tačne informacije o postupku, standardima i kriterijima za izbor koncesionara.
- (3) Načelo slobodne tržišne utakmice obuhvata zabranu ograničavanja konkurenčije između učesnika i obavezu prihvatanja svih učesnika čije ponude zadovoljavaju uslove propisane zakonom.
- (4) Načelo autonomije volje obuhvata slobodu ugovornih strana da u skladu sa zakonom i drugim propisima i dobrim poslovnim običajima, međusobna prava i obaveze uredi po svojoj volji.

Član 5. (Osnovni pojmovi)

Pojmovi koji se koriste u ovom zakonu imaju slijedeća značenja:

- a) **Davalac koncesije (koncesor)** je Kanton Sarajevo - Vlada Kantona Sarajevo (u dalnjem tekstu: koncesor), koji putem resornih ministarstava vode postupak dodjele koncesije odnosno zaključuju ugovor o koncesiji.
- b) **Koncesija** je pravo obavljanja privrednih djelatnosti korištenjem prirodnih bogatstava, dobara u općoj upotrebi i obavljanje djelatnosti od općeg interesa određenih ovim zakonom.
- c) **Koncesionar** je pravno lice osnovano u skladu sa posebnim zakonima Federacije ili fizičko domaće ili strano lice kome se dodjeljuje koncesija i koje izvršava ugovor o koncesiji u skladu sa ovim zakonom.
- d) **Ugovor o koncesiji** je ugovor koji zaključuju koncesor s jedne strane i koncesionar s druge strane, a koji sadrži odredbe o međusobnim pravima i obavezama vezanim za korištenje dodjeljene koncesije.
- e) **Naknada za koncesiju** je naknada koju plaća koncesionar na osnovu ugovora o koncesiji.
- f) **Registrar koncesija** je jedinstvena elektronska evidencija ugovora o koncesijama dodijeljenih na području Kantona.
- g) **Odluka o izboru najpovoljnijeg ponuđača** je upravni akt koji donosi koncesor na prijedlog Komisije za koncesije (u dalnjem tekstu: Komisija) nakon ocjene pristiglih ponuda

S L U Ž B E N E N O V I N E
KANTONA SARAJEVO

Broj 27 – Strana 2

Ponedjeljak, 24. oktobra 2011.

- za dodjelu koncesije, a u skladu s dokumentacijom za nadmetanje i kriterijima za izbor najpovoljnije ponude.
- h) Ponudač je pravno ili fizičko domaće ili strano lice koje je dostavilo ponudu u postupku za dodjelu koncesije ili je podnijelo samoinicijativnu ponudu.

Član 6.
(Predmet koncesije)

- (1) Predmeti koncesije prema odredbama ovog zakona su:
- 1) objekti saobraćaja u mirovanju (javne podzemne i/ili nadzemne garaže, parkirališta);
 - 2) izgradnja i/ili korištenje saobraćajnica u nadležnosti Kantona;
 - 3) izgradnja i/ili korištenje objekata u oblasti energetike i energetskih medija (hidroenergetski objekti, termoelektrane, termoenergetski objekti, vjetroenergetski objekti, cjevovodi), instalisanе snage do 5 MW;
 - 4) izgradnja i/ili korištenje objekata vodoprivrede i vodosnabdijevanja (hidroakumulacije, objekti snabdijevanja vodom, korištenje vodotoka i drugih voda);
 - 5) komunalne usluge (vodosnabdijevanje, zagrijavanje stanova, pogrebne usluge i dr.);
 - 6) kantonalni i općinski prevoz lica;
 - 7) sve vrste linijskog prevoza putnika na području Kantona;
 - 8) privredno, sportsko i turističko korištenje žičare;
 - 9) korištenje građevinskog zemljišta u oblasti niskogradnje;
 - 10) korištenje poljoprivrednog zemljišta;
 - 11) korištenje ljekovitih, termalnih, mineralnih, termomineralnih voda i termomineralnih voda za zagrijavanje;
 - 12) hidromelioracioni sistemi i sistemi za vađenje materijala iz vodotoka i vodnih površina;
 - 13) istraživanje i/ili korištenje nemetalnih mineralnih sirovina uključujući sekundarne mineralne sirovine propisane posebnim zakonom;
 - 14) sve vrste energetskih i drugih mineralnih sirovina, uključujući sve vrste soli i solnih voda utvrdenih posebnim zakonom;
 - 15) odlaganje čvrstog otpada;
 - 16) reciklaža metalnih i nemetalnih otpadaka i ostataka;
 - 17) gospodarenje lovištima i privredni ribolov;
 - 18) hoteli i ostali turistički objekti;
 - 19) pojedine djelatnosti unutar zaštićenih područja prirode, te za korištenje drugih zaštićenih prirodnih vrijednosti i speleoloških objekata;
 - 20) prostori i objekti kulturno - historijskog i prirodnog nasljeda;
 - 21) zdravstvene i farmaceutske usluge u skladu sa Zakonom o zdravstvenoj zaštiti i Zakonom o zdravstvenom osiguranju;
 - 22) sportsko rekreativni objekti;
 - 23) sve druge djelatnosti pogodne za dodjelu koncesije.
- (2) Javna preduzeća iz oblasti vodosnabdijevanja, čiji su osnivači Kanton ili općine u Kantonu Sarajevo izuzeta su iz obaveze potpisivanja koncesionog ugovora.
- (3) Vlada Kantona Sarajevo će posebnim propisom utvrditi način i kriterije definisanja javnog dobra kao i evidentiranja i otvaranja registra imovine koja ima karakter javnog dobra i odrediti organe za njeno provođenje.

II - PLANIRANJE I PRIPREMNE RADNJE ZA DODJELU KONCESIJE

Član 7.
(Planski pristup)

- (1) Sva ministarstva Kantona dužna su izraditi srednjoročni (trogodišnji) i godišnji plan dodjele koncesije na način utvrđen ovim Zakonom.

- (2) Općine u Kantonu Sarajevo obavezne su predložiti projekte pogodne za dodjelu koncesije, koje resorno ministarstvo ukoliko ocjeni opravdanim može uključiti u planove iz stava (1) ovog člana.
- (3) U planove iz stava (1) ovog člana resorno ministarstvo može uključiti i prijedloge privrednih društava.
- (4) Koncesor, prije isteka tekuće kalendarske godine, utvrđuje listu projekata koji se u narednoj godini planiraju realizirati putem davanja koncesija, koja se objavljuje na njihovoj web-stranici.
- (5) U srednjoročnom planu dodjele koncesije navode se privredne i druge oblasti iz resora nadležnog ministarstva u kojima se planiraju dodjeliti koncesije za korištenje općeg ili drugog dobra, koncesije za javne rade i koncesije za javne usluge, te planirani prihodi i rashodi od koncesije, ocjena očekivane koristi od planiranih koncesija. Srednjoročni plan može sadržavati i druge elemente koji su od značaja za efikasnost provedbe koncesije.
- (6) Sva ministarstva Kantona dužna su prije isteka tekuće godine izraditi godišnji plan dodjele koncesija iz svoje nadležnosti za narednu kalendarsku godinu, kao sastavni dio njihovog godišnjeg programa rada. Ovaj godišnji plan mora biti u skladu sa srednjoročnim planom dodjele koncesija.
- (7) Godišnji plan dodjele koncesije sadrži:
- a) planirani broj koncesija,
 - b) vrstu svake koncesije,
 - c) rokove na koje se pojedine koncesije planiraju dodjeliti,
 - d) pravni osnov za dodjelu koncesije i
 - e) procijenjenu godišnju naknadu za pojedinu koncesiju.

Član 8.

(Nadležnost za dodjelu koncesije)

Odluku o pristupanju dodjeli koncesije za određeno dobro donosi Skupština Kantona Sarajevo, na prijedlog Vlade Kantona Sarajevo (u daljem tekstu: Vlada Kantona), a na osnovu srednjoročnog (trogodišnjeg) i godišnjeg plana dodjele koncesija.

Član 9.

(Pripremne radnje)

- (1) Pripremne radnje za dodjelu koncesije provodi Vlada Kantona.
- (2) Pripremnim radnjama smatraju se posebno:
- a) izrada studije opravdanosti dodjele koncesije,
 - b) procjena vrijednosti koncesije,
 - c) imenovanje Komisije,
 - d) izrada dokumentacije za nadmetanje, te
 - e) poduzimanje svih ostalih mjera koje prethode postupku dodjeli koncesije u skladu s odredbama ovog Zakona i posebnih propisa kojima se pobliže uređuje pojedina vrsta koncesije.

Član 10.

(Studija opravdanosti dodjele koncesije)

Davalac koncesije (koncesor) u izradi studije opravdanosti dodjele koncesije istražuje javni interes, uticaj na okoliš, zaštitu prirode i kulturnih dobara, investicije, zapošljavanje, finansijske učinke čitavog koncesionog projekta, finansijske učinke u korist budućeg koncesionara, i uticaj koncesije na kantonalni budžet odnosno budžet jedinica lokalne samouprave i uskladenost sa privrednim razvojnim planovima i planovima koncesora.

Član 11.

(Procjena vrijednosti koncesije)

- (1) Vrijednost koncesije obuhvata vrijednosni izraz finansijskih efekata u određenom ekonomskom vijeku korištenja koncesionog dobra, odnosno diskontiranih novčanih tokova u ekonomskom vijeku projekta.

S L U Ž B E N E N O V I N E
KANTONA SARAJEVO

Ponedjeljak, 24. oktobra 2011.

Broj 27 – Strana 3

- (2) Elementi za izračunavanje vrijednosti koncesije utvrđuju se studijom opravdanosti dodjele koncesije.
(3) Vrijednost koncesije se utvrđuje od strane Vlade Kantona, na prijedlog resornog ministarstva.

Član 12.

(Dokumentacija za nadmetanje)

- (1) Dokumentacija za nadmetanje sadrži oblik ponude, sadržaj ponude, rok valjanosti ponude, opis predmeta koncesije (tehničke specifikacije koje ne smiju ograničavati tržišno natjecanje), nacrt ugovora o koncesiji, uslove i dokaze koje su ponuđači obavezni dostaviti uz ponudu u svrhu dokazivanja sposobnosti ponuđača, rok za doношење odluke o izboru najpovoljnijeg ponuđača, te sve ostale zahtjeve koje ponuđač mora ispuniti.
(2) Koncesor je dužan utvrditi visinu garancije za ozbiljnost ponude u apsolutnom iznosu, a koja ne može iznosići više od 5% procijenjene vrijednosti koncesije.

Član 13.

(Osnivanje i sastav Komisije za koncesije)

- (1) Prije početka postupka dodjele koncesije, davalac koncesije je dužan u svakom pojedinačnom slučaju, imenovati Komisiju iz redova istaknutih stručnjaka iz područja prava, ekonomije, tehničkih i drugih odgovarajućih struka, zavisno o predmetu koncesije.
(2) Komisija se sastoji od pet članova, uključujući predsjednika komisije.
(3) Komisiju čine predstavnik resornog ministarstva, predstavnik jedinice/jedinice lokalne samouprave zavisno o tome gdje se nalazi predmet koncesije, predstavnik Ministarstva finansija Kantona Sarajevo, te dva člana iz reda istaknutih stručnjaka iz oblasti koja je predmet koncesije.
(4) Na Komisiju se odnose odredbe Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08).
(5) Komisija ima sekretara koji ne učestvuje u odlučivanju, a bira se iz reda državnih službenika resornog ministarstva čija je koncesija predmet dodjele.

Član 14.

(Nadležnosti Komisije)

- (1) Zadaci Komisije su:
a) priprema i izrada dokumentacije za nadmetanje, pravila i uslova za ocjenu ponuđača i primljenih ponuda, te kriterija za izbor ponude,
b) analiza projektnog prijedloga koncesije u cilju utvrđivanja da li se radi o projektu javno-privatnog partnerstva, kako je određen propisima kojima se uređuje javno-privatno partnerstvo,
c) pregled i ocjena pristiglih ponuda,
d) utvrđivanje prijedloga odluke o izboru najpovoljnijeg ponuđača za dodjelu koncesije ili prijedloga odluke o poništenju postupka dodjele koncesije uz obrazloženje tih prijedloga,
e) priprema prijedloga teksta ugovora o koncesiji,
f) obavljanje ostalih poslova potrebnih za provedbu postupka dodjele koncesije. Komisija o svom radu vodi zapisnik koji potpisuju svi članovi Komisije.
(2) Za obavljanje određenih stručnih poslova koncesor može, po potrebi, angažirati stručna, savjetodavna, te specijalizovana tijela ili eksperte za ekonomsko -finansijsku, pravnu, ili tehničku oblast.

Član 15.

(Sredstva za rad Komisije)

- (1) Sredstva za rad i obavljanje poslova iz djelokruga Komisije osiguravaju se u budžetu nadležnih ministarstava.

- (2) Na prijedlog Ministarstva privrede Kantona Sarajevo (u dalnjem tekstu: Ministarstvo) jedinstvene kriterije za plaćanje komisija za dodjelu koncesija utvrđuje Vlada Kantona.

III - POSTUPAK DODJELE KONCESIJE

Član 16.

(Odobravanje koncesionog projekta)

- (1) Resorno ministarstvo izrađuje prijedlog studije opravdanosti dodjele koncesije za svaki projekat koji je planom iz člana 7. stav (1) ovog zakona predviđen za dodjelu.
(2) Uz prijedlog iz stava (1) ovog člana resorno ministarstvo je dužno koncesoru dostaviti i rješena prethodna pitanja, uključujući izvod iz prostornog planskog dokumenta i saglasnost općinskog vijeća.
(3) Koncesor razmatra studiju iz stava (1) ovog člana.
(4) Skupština Kantona Sarajevo donosi Odluku o pristupanju dodjeli koncesije na prijedlog koncesora, koji odobrava studiju iz stava (3) ovog člana.
(5) Ukoliko ne odobri studiju iz stava (1) ovog člana, koncesor može dati prijedlog ili preporuke koje bi projekat učinile prihvatljivim.
(6) Nakon odobravanja studije iz stava (4) ovog člana, Komisija priprema tekst javnog poziva koji će resorno ministarstvo objaviti u jednom od sredstava javnog informisanja. Ako koncesor ocijeni potrebnim, objavit će se i međunarodni javni poziv.
(7) Postupak dodjele koncesije započinje danom objave Javnog poziva o namjeri davanja koncesije u "Službenim novinama Federacije BiH", koji se objavljuje i na web-stranici davaoca koncesije, a neizmijenjenoj sadržaju može biti objavljen i u ostalim sredstvima javnog informisanja.
(8) Postupak dodjele koncesije se završava konačnošću Odluke o izboru najpovoljnijeg ponuđača ili Odluke o poništanju postupka dodjele koncesije.

Član 17.

(Javni poziv)

- (1) Javni poziv sadrži:
a) izvod iz prostornog planskog dokumenta;
b) opis projekta;
c) definiciju ekonomskih i pravnih uslova, te zahtjev koji se odnosi na projekt;
d) principe i metode izračunavanja naknade za koncesiju;
e) minimalni iznos naknade za koncesiju i naknade i takse za učešće na javnom pozivu;
f) opis sredstava i imovine koja se daje na raspolaganje koncesionaru;
g) kriterije za ocjenjivanje ponude i dodjeljivanje koncesije zasnovane na jasnim i javnim, svima dostupnim principima nediskriminacije;
h) rok za dostavljanje ponuda;
i) spisak potrebnih dozvola i odobrenja ili ovlaštenja;
j) poreske olakšice koje su vezane za projekat, ukoliko postoje;
k) mjere finansijskog obezbjedenja ponude;
l) nacrt ugovora o koncesiji i
m) ukoliko su vršeni istražni radovi, vrijednost radova i jasnu naznaku da će u postupku dodjele koncesije Komisija vrednovati sredstva i napore uložene u istražne radove potencijalnom koncesionaru.
(2) U slučaju da nije izrađena studija opravdanosti dodjele koncesije, Komisija može zahtijevati da javni poziv uključuje obavezu ponuđača da izradi tu studiju u sklopu koje će biti sadržane procjene i mjere zaštite čovjekove okoline.

S L U Ž B E N E N O V I N E
KANTONA SARAJEVO

Broj 27 – Strana 4

Ponedjeljak, 24. oktobra 2011.

- (3) Studija opravdanosti dodjele koncesije razmatra se pri procjeni kriterija na osnovu kojih se vrši dodjela koncesije.

Član 18.

(Kriteriji za izbor najpovoljnije ponude)

Kriteriji za izbor najpovoljnije ponude su:

- a) kriteriji za ekonomski najpovoljniju ponudu, koji su vezani za predmet koncesije su: kvalitet, visina naknade, cijena, tehničko dostignuće, estetske, funkcionalne i ekološke osobine, operativni troškovi, ekonomičnost, servisiranje nakon predaje i tehnička pomoć, datum i rokovi isporuke ili rokovi završetka radova;
- b) najviša ponuđena naknada za koncesiju;
- c) kriteriji određeni posebnim propisima, koji ukazuju na dugoročnu održivost ponuđača za vrijeme provedbe koncesije u predvidenom roku.

Član 19.

(Odluka o izboru najpovoljnijeg ponuđača)

- (1) Koncesor donosi odluke u skladu sa odredbama Zakona o upravnom postupku.
- (2) Koncesor, na prijedlog Komisije, donosi odluku o izboru najpovoljnijeg ponuđača, ako su ispunjeni svi uslovi i kriteriji utvrđeni u javnom pozivu.
- (3) Koncesor, na prijedlog Komisije, može donijeti odluku iz stava (2) ovog člana i u slučaju ako je na javni poziv pristigla samo jedna ponuda.
- (4) Odluka iz stava (1) ovog člana dostavlja se svim učesnicima javnog poziva.

- (5) Odluka o izboru najpovoljnijeg ponuđača obavezno sadrži:
 - a) naziv koncesora s brojem i datumom donošenja odluke,
 - b) ministarstvo koje će u ime koncesora zaključiti ugovor,
 - c) naziv koncesionara,
 - d) predmet koncesije,
 - e) prirodu, obim i mjesto obavljanja djelatnosti koncesije,
 - f) rok na koji će se zaključiti ugovor o koncesiji,
 - g) posebne uslove kojima tokom trajanja koncesije mora udovoljavati ponuđač,
 - h) iznos naknade za koncesiju ili osnovu za utvrđivanje iznosa naknade za koncesiju koju će koncesionar plaćati,
 - i) rok u kojem je najpovoljniji ponuđač obavezan potpisati ugovor o koncesiji s koncesorom,
 - j) obrazloženje razloga za izbor ponuđača,
 - k) pouku o pravnom lijeku.

- (6) Protiv Odluke koncesora iz stava (1) ovog člana nije dozvoljena žalba, ali se može pokrenuti upravni spor pred Kantonalnim sudom u Sarajevu.

Član 20.

(Samoinicijativna ponuda)

- (1) U slučaju da ponuđač resornom ministarstvu podnese zahtjev za dodjelu koncesije za koju nije raspisani javni pozivi, a nije obuhvaćena planskim dokumentima iz člana 7. ovog zakona, Vlada Kantona formira Komisiju iz člana 13. ovog zakona, koja procjenjuje da li postoji javni interes i putem resornog ministarstva dostavlja prijedlog odluke Vladi Kantona.
- (2) Uz zahtjev iz stava (1) ovog člana obavezno se dostavlja studija opravdanosti dodjele koncesije i rješena prethodna pitanja (izvod iz prostornog planskog dokumenta, saglasnost općinskog vijeća, kao i dokumenti koji su specifični za oblast koncesije).
- (3) Kod ocjene zahtjeva iz stava (1) ovog člana uzima se u obzir naročito:
 - a) da projekt koji je predmet predložene koncesije može biti ostvaren samo u slučaju ako se koristi proces, projektovanje, metodologija ili koncept istraživanja na koje ponuđač polaže isključiva prava i

- b) hitnost pružanja usluga ili postojanje infrastrukture za javnu upotrebu.

- (4) Ministarstvo podnosi zahtjev Vladi Kantona za dobijanje ovlaštenja za pregovore sa ponuđačem, ukoliko Vlada Kantona ocijeni da postoji javni interes za koncesiju.

- (5) Vlada Kantona u roku od 30 (trideset) dana obaveštava Ministarstvo da li odobrava davanje ovlaštenja.

- (6) U ovlaštenju koje Vlada Kantona daje, sadržana je obaveza pružanja procesa ili izvršenja uvida u dokumentaciju.

- (7) Ministarstvo ne može zaključiti ugovor o koncesiji na osnovu samoinicijativne ponude, ukoliko ne dobije ovlaštenje od Vlade Kantona.

- (8) Vlada Kantona može odbiti davanje ovlaštenja za pregovore u slučaju kada samoinicijativna ponuda nije predviđena članom 7. ovog zakona (planski pristup), ali ako ocijeni njenu opravdanost postupak dodjele koncesije se sprovodi u skladu sa procedurom propisanom ovim zakonom.

- (9) Ukoliko Vlada Kantona ocijeni da ne postoji javni interes za dodjelu koncesije, o tome će Odlukom o odbijanju zahtjeva obavijestiti podnosioca samoinicijativne ponude u roku od 60 (šezdeset) dana od dana prijema zahtjeva. Odluka o tome da ne postoji javni interes mora biti obrazložena.

- (10) Protiv Odluke iz stava (9) ovog člana nije dozvoljena žalba, ali se može pokrenuti upravni spor pred Kantonalnim sudom u Sarajevu.

IV - UGOVOR O KONCESIJI

Član 21.

(Sadržaj ugovora o koncesiji)

- (1) Ugovor o koncesiji obavezno sadrži:

- 1) ugovorne strane,
- 2) predmet koncesije,
- 3) visinu koncesione naknade,
- 4) mjere finansijskog obezbjeđenja ugovora,
- 5) prava i obaveze ugovornih strana, uključujući i obaveze pružanja sigurne usluge korisnicima po najnižim cijenama,
- 6) obaveze koncesionara u oblasti zaštite okoliša,
- 7) obaveze revitalizacije obnovljivog prirodnog bogatstva, odnosno rekultivaciju neobnovljivog prirodnog bogatstva,
- 8) obavezu upisa u zemljišne knjige Ugovora o koncesiji,
- 9) radnje vezane za dobijanje potrebnih ovlaštenja za provođenje aktivnosti u skladu sa ugovorom o koncesiji,
- 10) uslove investiranja,
- 11) sredstva i imovinu koju na raspolaganje daje koncesor,
- 12) olakšice u korištenju zemljišta,
- 13) uslove, način i vrijeme korištenja predmeta koncesije,
- 14) uslove za obnavljanje ugovora,
- 15) postupanje koncesionara sa predmetima nadjenim u toku korištenja predmeta koncesije, a koji predstavljaju vrijednost prirodnog, historijskog, kulturnog i/ili graditeljskog naslijeđa Bosne i Hercegovine,
- 16) postupanje koncesionara u slučaju kada bi daljnje korištenje predmeta koncesije ugrožavalo nalazište, odnosno vrijednost i cjelinu predmeta koji predstavljaju vrijednost prirodnog, historijskog, ili historijsko - kulturnog i/ili graditeljskog naslijeđa Bosne i Hercegovine,
- 17) mjere za omogućavanje finansiranja projekta,
- 18) opis dogadaja koji se smatraju višom silom,
- 19) određivanje i uskladivanje tarifa,
- 20) sankcije i naknade za neispunjavanje obaveza ugovornih strana,
- 21) postupak u slučaju nemogućnosti ispunjavanja ugovora, za koji ne odgovara nijedna strana,
- 22) raskid ugovora i postupak u slučaju raskida ugovora prije datuma prestanka utvrđenog ugovorom.

S L U Ž B E N E N O V I N E
KANTONA SARAJEVO

Ponedjeljak, 24. oktobra 2011.

Broj 27 – Strana 5

- 23) način rješavanja sporova, uključujući i međunarodnu arbitražu, ako se ugovorne strane o tome dogovore,
 - 24) ugovorenu nadležnost suda i
 - 25) ostale elemente bitne za predmet koncesije.
- (2) Ugovorom o koncesiji određuju se prava i obaveze davaoca koncesije i koncesionara u skladu s odredbama ovog Zakona, te posebnih propisa kojima se uređuje određena koncesija.
- (3) Na pitanja iz ugovora o koncesiji koja nisu uredena ovim Zakonom primjenjuju se odredbe propisa kojima se uređuju obligacioni odnosi.
- (4) U slučaju koncesije koja je sastavni dio projekta javno-privatnog partnerstva odgovarajuće se primjenjuje i propis kojim se uređuje sadržaj ugovora o javno-privatnom partnerstvu.

Član 22.

(Rok na koji se daje koncesija)

- (1) Ugovor o koncesiji zaključuje se na određeno vrijeme s tim da to razdoblje ne može biti kraće od pet niti duže od trideset godina. Ugovor o koncesiji može se obnoviti za period koji ne može biti duži od polovine prvobitno ugovorenog roka pod uslovima potpunog ispunjenja koncesionog ugovora i na osnovu studije opravdanosti dodjele koncesije.
- (2) Trajanje koncesije će se odrediti na način koji ne ograničava tržišno nadmetanje više nego što je to nužno kako bi se osigurala amortizacija ulaganja koncesionara i razuman povrat uloženog kapitala, istovremeno uzimajući u obzir rizik koji je povezan s privrednim korištenjem koncesije.

Član 23.

(Prenos koncesionog ugovora)

- (1) Ugovor o koncesiji ne može se prenijeti na drugog koncesionara bez prethodne saglasnosti Skupštine Kantona Sarajevo. Ugovor o koncesiji se može prenijeti samo ukoliko su ispunjeni uslovi iz ugovora koji se odnose na investiranje.
- (2) U slučaju da koncesionar nije ispunio preuzetu obavezu prema međunarodnoj finansijskoj instituciji čiji je član Bosna i Hercegovina, ugovor o koncesiji ne može se prenijeti na odnosnu instituciju bez saglasnosti koncesora.
- (3) Prilikom razmatranja zahtjeva za dobijanje saglasnosti iz stava (1) ovog člana, koncesor uzima u obzir:
- a) finansijsko stanje predloženog novog koncesionara;
 - b) stručnost i sposobnost predloženog novog koncesionara da pruža usluge i izvršava svoje obaveze iz ugovora o koncesiji i
 - c) uticaj koji će data koncesija imati na koncentraciju vlasništva u određenom sektoru djelatnosti.
- (4) Novi koncesionar preuzima prava i obaveze prethodnog koncesionara.

Član 24.

(Naknada za koncesiju)

- (1) Naknada za koncesiju je obavezan i sastavni element ugovora o koncesiji, a ugovor bez utvrđene obaveze plaćanja koncesione naknade je ništav.
- (2) Naknada za koncesiju mora biti novčanog karaktera, a sastoji se: iz naknade za pravo koje se obračunava jednokratno, kod zaključivanja ugovora o koncesiji i koncesione naknade za korištenje, koje se izražava u procentima i odnosi se na godišnji bruto prihod nastao korištenjem javnih dobara, prirodnih bogatstava ili pružanja usluga ili po jedinici mjere - tona, m³, m² i
- (3) Naknada za koncesiju može biti ugovorena kao stalan jednak iznos i/ili kao varijabilni iznos, zavisno o posebnostima pojedine vrste koncesije.

- (4) Visina naknade za koncesiju određuje se zavisno o vrsti djelatnosti, roku trajanja koncesije, poslovnom riziku i očekivanoj dobiti, opremljenosti i površini općeg odnosno javnog dobra.
- (5) Ugovorom o koncesiji obavezno se određuje promjena visine naknade za koncesiju u određenom vremenskom razdoblju za vrijeme trajanja ugovora o koncesiji, što se naznačava u dokumentaciji za nadmetanje.
- (6) Naknade za koncesije su prihod kantonalnog budžeta i budžeta jedinice lokalne samouprave, koji se raspoređuju u iznosu od 60% u budžet Kantona, a iznos od 40% u budžet općine na čijoj teritoriji se nalazi predmet koncesije.
- (7) Za vrijeme trajanja ugovora o koncesiji koncesor ne može propisivati niti ugovarati s koncesionarom bilo koji oblik kompenzacije u zamjeru za plaćanje naknade za koncesiju.

Član 25.

(Prestanak ugovora)

- Ugovor o koncesiji prestaje:
- a) istekom ugovorenog roka u skladu sa ovim zakonom,
 - b) otvaranjem stečajnog postupka nad koncesionarem,
 - c) prestankom postojanja predmeta koncesije,
 - d) raskidom ugovora o koncesiji i
 - e) ako koncesionar ne ispunjava ciljeve i efekte date koncesije.

Član 26.

(Raskid ugovora)

- (1) Ugovor o koncesiji može se raskinuti:
- a) ako je koncesionar nesolventan duže od šest mjeseci,
 - b) ako koncesionar ili koncesor ne ispunjavaju ugovorene obaveze i
 - c) ako obavlja djelatnost na način suprotan odredbama koncesionog ugovora.

Član 27.

(Nemogućnost ispunjavanja ugovora za koju ne odgovara nijedna strana - Prekid ugovora)

- (1) Kad je ispunjenje obaveze jedne strane postalo nemoguće zbog dogadaja za koje nije odgovorna ni jedna strana, a nijedna ugovorna strana ne želi raskid ugovora, koncesioni odnos se nastavlja kad prestanu okolnosti koje su dovele do nemogućnosti obavljanja djelatnosti, odnosno neispunjavanja ugovornih obaveza. Te okolnosti su:
- a) ako se vršenjem koncesione djelatnosti ugrožava životna sredina i zdravlje ili zakonom zaštićena područja i objekti, što se u vremenu davanja koncesije nije moglo predvidjeti,
 - b) u slučaju nemogućnosti obavljanja djelatnosti zbog znatnijeg oštećenja objekta koncesije koje nije skrив ili koje nije posljedica grube napažnje koncesionara i
 - c) u drugim slučajevima predvidenim ugovorom o koncesiji.
- (2) Za vrijeme proteklo u nemogućnosti ispunjenja ugovora produžava se rok na koji je potpisana koncesiona ugovor.

Član 28.

(Registrar koncesija)

- (1) Registrar koncesija jedinstvena je elektronska evidencija koncesija dodijeljenih na području Kantona koji se formira na osnovu registara koncesija resornih ministarstava.
- (2) Jedinstveni register svih zaključenih ugovora o koncesiji vodi Ministarstvo finansija Kantona Sarajevo.
- (3) Registrum koncesija garantuje se dostupnost javnosti podataka. Javnim podacima smatraju se: naziv davaoca koncesije, matični broj davaoca koncesije, datum početka ostvarivanja koncesije, naziv (vrsta) koncesije i lokacija koncesije.
- (4) U registrar koncesija evidentiraju se ugovori i o ranije zaključenim koncesijama kojima do dana stupanja na snagu ovog zakona nije istekao rok trajanja koncesije, te svi

S L U Ž B E N E N O V I N E

KANTONA SARAJEVO

Broj 27 – Strana 6

Ponedjeljak, 24. oktobra 2011.

- ugovori koji će se zaključiti nakon stupanja na snagu ovog Zakona.
- (5) Ministarstvo finansija Kantona Sarajevo donosi Pravilnik o formiranju i vodenju registra koncesija u roku od 6 mjeseci od dana stupanja na snagu ovog zakona u kome može utvrditi da poslove uspostave i vodenja jedinstvenog registra koncesija povjerava organizaciji koja je informatički i kadrovska sposobljena za vodenje istog.

V - KONCESIONAR

Član 29.

(Pravni status koncesionara)

Koncesionar je pravno ili fizičko domaće ili strano lice registrovano za obavljanje privredne djelatnosti sa kojim koncesor zaključuje ugovor o koncesiji i koji ima prava i obaveze utvrđene ugovorom u skladu sa ovim Zakonom.

Član 30.

(Prava koncesionara)

Koncesionar ima pravo posjedovanja i korištenja sredstava i imovine koje mu koncesor stavlja na raspolaganje, u skladu sa ugovorom o koncesiji.

Član 31.

(Obaveze koncesionara)

Koncesionar je dužan obavljati djelatnost koja je utvrđena kao predmet koncesije u ugovoru o koncesiji i ne može je proširiti mimo obima utvrdenog ugovora o koncesiji.

VI - NADZOR

Član 32.

(Nadzor nad provođenjem zakona i ugovora)

- (1) Resorno ministarstvo je obavezno kontinuirano nadzirati rad koncesionara i izvršavanje njegovih obaveza iz ugovora o koncesiji, te redovno pratiti obim i količinu korištenja koncesionog prava.
- (2) U slučaju odstupanja od ugovorenog korištenja koncesionog prava u vremenu i količini, resorno ministarstvo informiše koncesora i Ministarstvo finansija i poduzima mјere kod nadležne inspekcije u roku od 30 dana od dana saznanja o odstupanju.
- (3) Ministarstvo finansija je u okviru svoje nadležnosti obavezno pratiti izvršavanje svih uplata, a u slučaju neispunjavanja ugovorenih obaveza poduzimati sve mјere naplate istih kod nadležnih organa, o čemu obavještava koncesora.
- (4) U postupcima kada nije moguće ispunjenje obaveza iz ugovora o koncesiji ili uslijed drugih uočenih nepravilnosti, koncesor je dužan o tome obavijestiti nadležno Pravobranilaštvo i ostale nadzorne inspekcijske službe, te pokrenuti sve nužne mјere radi otklanjanja uočenih nepravilnosti, o čemu je obavezno obavijestiti Ministarstvo finansija u roku od 30 dana od dana poduzimanja mјera.

Član 33.

(Rješavanje sporova)

- (1) Za rješavanje sporova u pogledu ispunjavanja ugovorom preuzetih obaveza od strane koncesora i koncesionara nadležan je Općinski sud u Sarajevu.
- (2) Sporove koji nastanu u vezi nadležnosti za dodjelu koncesije između Federacije BiH i Kantona rješava Specijalna zajednička komisija za koncesije utvrđena Zakonom o koncesijama ("Službene novine Federacije BiH", br. 40/02 i 61/06).
- (3) Za sporove koji nastanu u vezi nadležnosti za dodjelu koncesija između kantona zatražiti će se arbitraža komisije iz stava (2) ovog člana.

VII - KAZNENE ODREDBE

Član 34.

(Kaznene odredbe)

- (1) Novčanom kaznom u iznosu od 5.000,00 KM do 15.000,00 KM, kaznit će se za prekršaj pravno lice koje koristi prirodno bogatstvo, dobro u općoj upotrebi, bez potpisanih ugovora o koncesiji.
- (2) Novčanom kaznom u iznosu od 1.500,00 KM do 3.000,00 KM kaznit će se za prekršaj odgovorno lice u pravnom licu za radnje iz stava (1) ovog člana.
- (3) Novčanom kaznom u iznosu od 500,00 KM do 1.500,00 KM, kaznit će se za prekršaj fizičko lice koje koristi prirodno bogatstvo, dobro u općoj upotrebi bez potpisanih ugovora o koncesiji.
- (4) Novčanom kaznom u iznosu od 3.000,00 KM do 10.000,00 KM, kaznit će se za prekršaj pravno lice - koncesionar ukoliko koristi predmet koncesije u obimu većem od ugovorenog.
- (5) Novčanom kaznom u iznosu od 1.500,00 KM do 3.000,00 KM kaznit će se za prekršaj odgovorno lice u pravnom licu koncesionara za radnje iz stava (4) ovog člana.
- (6) Novčanom kaznom u iznosu od 500,00 KM do 1.000,00 KM, kaznit će se za prekršaj fizičko lice - koncesionar ukoliko koristi predmet koncesije u obimu većem od ugovorenog.
- (7) Novčanom kaznom u iznosu od 2.000,00 KM do 12.000,00 KM, kaznit će se za prekršaj pravno lice - koncesionar koji je dao lažne izjave radi osiguranja transfera udjela, dionica ili uvjerenja o dionicama, a na osnovu kojih koncesor izdaje ovlaštenje za transfer.
- (8) Novčanom kaznom u iznosu od 500,00 KM do 3.000,00 KM kaznit će se za prekršaj odgovorno lice u pravnom licu - koncesionara za radnje iz stava (7) ovog člana.
- (9) Novčanom kaznom od 1.000,00 KM do 3.000,00 KM kaznit će se za prekršaj lica iz st. (7) i (8) ovog člana ako:
- propuste ili odbiju da popune i vrate nepotpunjena dokumenta na način propisan ovim zakonom;
 - propuste ili odbiju da odgovore na pitanja koja se postavljaju u dokumentima;
 - namjerno daju pogrešan odgovor;
 - propuste da odgovore na pitanja kojima se mogu utvrditi činjenice za koje se vrši upit;
 - na zahtjev koncesora odbiju da predlože osobu ovlaštenoj od strane resornog ministra da provjeri knjigu, dokumente, račune, arhive ili drugu dokumentaciju;
 - propuste ili odbiju da obave neku dužnost koja im se povjeri, a za koju nije utvrđena kazna;
 - propuste ili odbiju da izvrše zahtjev ili nalog koji izda koncesor, ili presudu nadležnog suda; ili
 - propuste da izvrše obavezu upisa u zemljišne knjige ugovora o koncesiji (član 21. stav (1) tačka 8).
- (10) U smislu stava (8) ovog člana radnja, propust ili greška bilo kojeg odgovornog lica, službenika, agenta, ili drugog lica koje djeluje u ime ili je zaposlen kod nekog koncesionara i djeluje u okviru svoga posla i uputa, u svakom slučaju smatra se činom, propustom ili greškom toga koncesionara.

S L U Ž B E N E N O V I N E
KANTONA SARAJEVO

Ponedjeljak, 24. oktobra 2011.

Broj 27 – Strana 7

VIII - PRELAZNE I ZAVRŠNE ODREDBE

Član 35.

(Potpisivanje ugovora sa postojećim korisnicima)

- 1) Privredno društvo koje je nosilac prava za korištenje općeg ili drugog dobra zaključuje ugovor o koncesiji bez provođenja postupka propisanog ovim Zakonom na period od pet (5) godina, ako nosilac prava korištenja ispunjava uslove za dodjelu koncesije propisane ovim Zakonom.
- 2) Korisnik općeg ili drugog dobra iz stava (1) ovog člana dužan je podnijeti zahtjev za potpisivanje ugovora o koncesiji u roku od 30 (trideset) dana od dana stupanja na snagu ovog Zakona.
- (3) Konesor je dužan u roku od 90 (devedeset) dana riješiti postupak po zahtjevu koncesionara iz stava (2) ovog člana.
- (4) Ako privredno društvo ne postupi u skladu sa stavom (2) ovog člana, koncesija se dodjeljuje po postupku propisanom ovim zakonom.
- (5) Rok iz stava (2) ovog člana računa se od dana stupanja na snagu ovog zakona.
- (6) Ako ugovor iz stava (1) ovog člana ne bude zaključen u propisanom roku nadležni inspekcijski organ rješenjem će zabraniti korištenje koncesije.
- (7) Na koncesionare koji su potpisali koncesione ugovore za predmete koncesije koji su u nadležnosti Kantona po važećim propisima na period do 5 (pet) godina, ne primjenjuju se odredbe člana 22. stav (1) ovog zakona, nego imaju pravo kroz provođenje procedure utvrđene ovim Zakonom za isti predmet koncesije potpisati novi koncesioni ugovor.

Član 36.

(Obaveze javnih preduzeća)

Obavezi potpisivanja koncesionog ugovora, u skladu sa članom 35. ovog Zakona, podliježu i javna preduzeća, izuzev javnih preduzeća iz člana 6. stav (2) ovog zakona.

Član 37.

(Prestanak važenja Zakona)

Danom stupanja na snagu ovog Zakona prestaje da važi Zakon o koncesijama ("Službene novine Kantona Sarajevo", broj 21/03).

Član 38.

(Stupanje na snagu Zakona)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-27838/11

Predsjedavajuća

24. oktobra 2011. godine
Sarajevo

Skupštine Kantona Sarajevo
Prof. dr. Mirjana Malić, s. r.

Na osnovu čl. 11.-14. i člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), Skupština Kantona Sarajevo, na sjednici održanoj 24. oktobra 2011. godine, donijela je

ZAKON

O JAVNO - PRIVATNOM PARTNERSTVU

POGLAVLJE I - OPĆE ODREDBE

Član 1.

(Predmet Zakona)

Ovim Zakonom se određuje pojam i predmet javno-privatnog partnerstva, definira javno tijelo, javni i privatni partner i drugi osnovni pojmovi, utvrđuje cilj i načela, uređuju modeli javno-privatnog partnerstva u Kantunu Sarajevo (u dalnjem tekstu: Kanton), planiranje i pripremanje, postupak predlaganja, odobravanja i provedbe projekata javno-privatnog partnerstva u oblastima koje su u nadležnosti Kantona, Grada Sarajeva i općina na području Kantona, prava i obaveze javnih i privatnih partnera.

osnivanje i nadležnosti Komisije za javno-privatno partnerstvo (u dalnjem tekstu: Komisija), pravna zaštita, te druga pitanja od značaja za javno-privatno partnerstvo.

Član 2.

(Definiranje pojma i predmeta javno-privatnog partnerstva)

- (1) Javno-privatno partnerstvo (u dalnjem tekstu: JPP), u smislu ovog Zakona je dugoročan partnerski odnos između javnog i privatnog partnera koji podrazumijeva oblik zadovoljavanja određenih javnih potreba putem projekata JPP-a.
- (2) Predmet JPP-a je izgradnja, rekonstrukcija, upravljanje i održavanje kapaciteta za zadovoljavanje javnih potreba u svim oblastima javnog partnera.
- (3) Predmet JPP-a ne može biti isključivo isporuka robe, kao niti isključivo koncesija za privredno korištenje općeg ili drugog dobra.
- (4) Osnovna obilježja JPP-a su sljedeća:
 - a) privatni partner od javnog partnera preuzima:
 - 1) obavezu projektovanja, gradnje i/ili rekonstrukcije javne infrastrukture i/ili građevine od javnog interesa, uključujući gradnju i/ili rekonstrukciju javnih informacijsko-komunikacijskih sistema, preuzimajući pri tome i jednu ili više obaveza kao što su finansiranje, upravljanje i održavanje, a u svrhu pružanja krajnjim korisnicima javne usluge iz okvira nadležnosti javnog partnera, ili u svrhu osiguravanja javnom partneru potrebnih preduuslova za pružanje javnih usluga iz okvira njegovih nadležnosti, ili
 - 2) pružanje krajnjim korisnicima javnih usluga iz okvira nadležnosti javnog partnera, uključujući pružanje usluga upravljanja informacijsko-komunikacijskim sistemima od javnog interesa, odnosno pružanja javnih usluga krajnjim korisnicima na izgradenim informacijsko-komunikacijskim sistemima.
 - b) u zamjenu za preuzete obaveze, javni partner može na privatnog partnera prenijeti određena stvarna prava i/ili privatnom partneru dodjeliti ili prenijeti koncesiju, u skladu sa Zakonom o koncesijama i/ili privatnom partneru plaćati naknadu u novcu,
 - c) svaki od partnera preuzima odgovornost za rizik na koji može uticati, ili je odgovornost podijeljena, a s ciljem optimalnog upravljanja rizikom tokom trajanja projekta JPP-a, uz ostalo i korištenjem upravljačkih, tehničkih, finansijskih i inovacijskih sposobnosti privatnog partnera, kao i razmjenom umijeća i znanja između javnog i privatnog partnera.

Član 3.

(Cilj)

Cilj ovog Zakona je da omogući transparentan, nediskriminator i jasan pravni okvir u zakonom određenom postupku utvrđivanja uslova pod kojima domaća i strana privatna pravna lica mogu realizirati projekte JPP-a sa javnim partnerima u Kantonu.

Član 4.

(Načela)

U provedbi ovog Zakona, javni partner dužan je poštovati sljedeća načela: načelo zaštite javnog interesa, načelo tržišnog nadmetanja, načelo efikasnosti, načelo jednakog tretmana, načelo uzajamnog priznavanja, načelo srazmjernosti, načelo transparentnosti, načelo slobode ugovaranja, načelo zaštite okoliša.

Član 5.

(Osnovni pojmovi)

Pojedini pojmovi u smislu ovoga Zakona imaju sljedeća značenja:

- a) Projekat čini niz međusobno povezanih aktivnosti koje se odvijaju utvrđenim redoslijedom radi postizanja jasnih

S L U Ž B E N E N O V I N E
KANTONA SARAJEVO

Četvrtak, 18. aprila 2013.

Broj 15 – Strana 9

Sarajevo, na sjednici održanoj dana 04.04.2013. godine, donijela je

ZAKON
O IZMJENAMA ZAKONA O KONCESIJAMA

Član 1.

U Zakonu o koncesijama ("Službene novine Kantona Sarajevo", broj 27/11) u članu 6. stav (1) brišu se tač. 1), 9) i 20).

Član 2.

U članu 24. stav (6) mijenja se i glasi:

"(6) Naknade za koncesije su prihod kantonalnog budžeta i budžeta jedinica lokalne samouprave, koje se rasporeduju u iznosu od 40% u budžet Kantona, a iznos od 60% u budžet općine na čijoj teritoriji se nalazi predmet koncesije".

Član 3.

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-7993/13
04. aprila 2013. godine Skupštine Kantona Sarajevo
Sarajevo Prof. dr. Mirjana Malić, s. r.

Na osnovu člana 18. stav (1) tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13) a u skladu sa članom 28. stav (4) Zakona o poljoprivredi ("Službene novine Federacije BiH", br. 88/07 i 4/10), Skupština Kantona Sarajevo, na sjednici održanoj dana 04.04.2013. godine, donijela je

ZAKON
**O IZMJENAMA ZAKONA O NOVČANIM
PODSTICAJIMA U POLJOPRIVREDI NA PODRUČJU
KANTONA SARAJEVO**

Član 1.

U Zakonu o novčanim podsticajima u poljoprivredi na području Kantona Sarajevo ("Službene novine Kantona Sarajevo", broj 1/12) član 10. mijenja se i glasi:

"Član 10.

(Animalna proizvodnja)

U okviru animalne proizvodnje podstiče se:

- a) farma mlijecnih krava koja je u sistemu otkupa mlijeka (provodenje veterinarsko-zdravstvenih, zootehničkih i zoohigijenskih mjera);
- b) farma mlijecnih krava koja nije u sistenu otkupa mlijeka (provodenje veterinarsko-zdravstvenih, zootehničkih i zoohigijenskih mjera);
- c) vlastiti uzgoj teladi namijenjen daljem tovu (provodenje veterinarsko-zdravstvenih, zootehničkih i zoohigijenskih mjera);
- d) vlastiti uzgoj priplodnih junica za remont ili proširenje osnovnog stada mlijecnih krava (provodenje veterinarsko-zdravstvenih, zootehničkih i zoohigijenskih mjera);
- e) farma za tov junadi (nabavka podmlatka, provodenje veterinarsko-zdravstvenih, zootehničkih i zoohigijenskih mjera);
- f) farma ovaca (provodenje veterinarsko-zdravstvenih, zootehničkih i zoohigijenskih mjera);
- g) farma koza samo u stajskom uzgoju ili pod nadzorom u ogradišem prostoru (provodenje veterinarsko-zdravstvenih, zootehničkih i zoohigijenskih mjera);
- h) farma za tov svinja (nabavka podmlatka, provodenje veterinarsko-zdravstvenih, zootehničkih i zoohigijenskih mjera);
- i) farma za tov piladi (nabavka jednodnevnih pilića, provodenje veterinarsko-zdravstvenih, zootehničkih i zoohigijenskih mjera);
- j) inkubacijska proizvodnja jednodnevnih pilića;

- k) farma koka nosilja (nabavka jednodnevnih ili osamnaestodnevnih pilenki, provodenje veterinarsko-zdravstvenih, zootehničkih i zoohigijenskih mjera);
- l) pčelinjak (provodenje veterinarsko-zdravstvenih mjera);
- m) organizovani otkup svježeg mlijeka;
- n) proizvodnja sirove vune."

Član 2.

Član 14. mijenja se i glasi:

"Član 14.

(Model kapitalnih ulaganja)

- (1) U okviru modela kapitalnih ulaganja podstiče se:
 - a) izgradnja objekata započeta u tekućoj godini sa završenim grubim građevinskim radovima preko 50% i to:
 - 1) štalskih kapaciteta za uzgoj goveda, ovaca, koza i svinja za upotrebnu površinu objekta u osnovici (tlocrtu) objekta;
 - 2) štalskih kapaciteta za uzgoj peradi za upotrebnu površinu objekta;
 - 3) za skladištenje, hlađenje ili sušenje primarnih poljoprivrednih proizvoda, koji su proizvedeni u okviru vlastitog poljoprivrednog gazdinstva za upotrebnu površinu objekta;
 - 4) ribnjaka za upotrebnu površinu mrijestilišnih i uzgojnih bazena.
 - b) rekonstrukcija štalskih objekata za uzgoj goveda, ovaca, koza i peradi započeta u tekućoj godini sa završenim grubim radovima za upotrebnu površinu objekta u osnovici (tlocrtu) objekta, a u cilju usklađivanja s Pravilnikom o mjerama za unapređenje stočarske proizvodnje na području Kantona Sarajevo ("Službene novine Kantona Sarajevo", broj 19/10) (u daljem tekstu: Pravilnik o mjerama unapređenja stočarske proizvodnje).
- (2) U okviru modela kapitalnih ulaganja podstiče se kupovina u tekućoj godini:
 - a) poljoprivrednog zemljišta isključivo za poljoprivrednu proizvodnju, a u cilju povećanja poljoprivredne proizvodnje;
 - b) novog staklenika ili plastenika;
 - c) nove poljoprivredne mehanizacije i priključnih sredstava;
 - d) nove opreme u biljnoj i animalnoj proizvodnji;
 - e) priplodnih junica za formiranje ili proširenje osnovnog stada mlijecnih krava."

Član 3.

(Stupanje na snagu)

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-7994/13
04. aprila 2013. godine Skupštine Kantona Sarajevo
Sarajevo Prof. dr. Mirjana Malić, s. r.

Na osnovu člana 13. stav 1. tačka e) i člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13) i člana 8. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06 i 14/09), Skupština Kantona Sarajevo, na sjednici održanoj dana 04.04.2013. godine, donijela je

ZAKON

**O IZMJENAMA I DOPUNAMA ZAKONA O
SOCIJALNOJ ZAŠTITI, ZAŠTITI CIVILNIH ŽRTAVA
RATA I ZAŠTITI PORODICE SA DJECOM**

Član 1.

U Zakonu o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 16/02, 8/03, 2/06, 21/06, 17/10 i 26/12) u članu 1. iza alineje 5. dodaje se nova alineja 6. koja glasi: